

КЕННЕТ ТЭЙЛОР
МЕНЕЛЬДЕ, ПРИНЦТЭ
ДЫ ЛАМО ЛИЯДО

КЕННЕТ ТЭЙЛОР МЕНЕЛЬДЕ, ПРИНЦТЭ ДЫ ЛАМО ЛИЯДО 19.108

КЕННЕТ ТЭЙЛОР

МЕНЕЛЬДЕ,
ПРИНЦТЭ
ДЫ ЛАМО
ЛИЯДО



ЧИЛІСЕМА
ЕНО ВАЛДО

This book was first published in the
United States by MOODY PRESS.
Copyright 1968 in the name of Moody Bible
Institute of Chicago, Illinois.
Copyright was reassigned to Kenneth Taylor in 1982
Translated by permission.

Taylor N., Kennet
«Devotion for the Children`s Hour» in Erzya
Кеннет Тэйлор
«Про небо, принца и многое другое»
на мордовском (эрзя) языке
© 1994 «Свет на Востоке»

Тенк максозь книгась – аволь библейской ёвтне-
мань сборник. Сонзэ лемдяма „Христианской тонав-
томанть нурька соавтомакс“. Эйсэнзэ ёвтневи пе-
жетте, менельденть, Иисус Христосто ды ламо лиядо.

Библейской ёвтнема марто книгатнеде зярыя, ансяк
эйкакштненень истя жо эряволь бу теевемс малавикс-
экс минек кемеманть, тонавтоманть ды эрямонь юртн-
энь марто, конатнеде те шкас паро ладсо а содатано.

Минек эйкакштненень эряволь содамс аволь ансяк
пек паро библейской ёвтнемат чилисема ено валдось
вечкевикс тетят-ават чарькодемс историянтъ смустен-
ззяк. Сыненст содама историянтъ видечинзэ ды сень,
кода питней сон сынст туртов. Те библейской ёвтне-
манть ды Библиянь тонавтнеманть сюлмавомаст минь
снартнинек ёвтнемс эйкакштнень туртов нурькинестэ
ды мельстуезь.

Книганть содержаниязо чарькодевица аволь ансяк
сисем иесэ эйкакштнень туртов, сонзэ покш мельсэ кар-
мит ловномо кемгавтово-кемголмово иесэ пакшатнеяк.

Те книгадонть башка минь эрва чистэ карматано
макснеме эйкакштненень библейской ёвтнема марто
истят мельстуиця книгат, кода: „Эйкакшонь Библи-
ясь“ ды „Вере Пазось – пастырем“. Сынъ кавонест
вейке-вейке ёнов молицят, ансяк эйстэст конаськак а
полавтсын Библиянтъ, натоу васенце классонь тонавт-
ницатненень ловнови Марконь эли Лукань пельде
Евангелиясь, бути сынст видестэ тонавтнемс.

Но Священной Писаниянтъ ловномадо икеле эй-

какшонтъ превс паро бу кеме юрокс путомс Библиянь видечинть. Сонстемензэ пек стака чарькодемс ловнозентъ смустензэ.

Истя анокстазь эйкакшонтъ икелепеле сатыть виензэ стямс апаро искувамотнень каршо. Библейской видечитне сонзэ туртов теевить аволь эль-эль неявиця ды курок ютыця схемакс – нужачинь чассто сынъ тетъ а лездыть, – но малавикс, кеме ялгакс.

Пазонь Валось – те вий ды нардев башня. Теде ёвтневи эйкакштненень те книгасонтъ. Истямо книганть минь алтасынек семиясо эрва чинь ловномантень. Эйстэнзэ ламо можна саемс эйкакштнень марто уроконь анокстамсто.

Ловноманть прядомсто эште зяряя валт ёвтатано озкстнэде.

Зяряя валт ловномадо мейле максозь озкстнэдэ. Сындест можна а лецтнемс. Кой-кона тетятне-аватне ве ёнов айгекшнить максозь озкстнэнь, лиятненень сынъ кандыть покш лескс. Но ялатеке неть максозь озкстнэ а сатныть; пурнавозтнень эйстэ эрвантень эряви озномс эсензэ валсо.

Те книганть ловнома эйкакштнень марто зяряяксть. Сперджен кортась, икеле кснавонь видемстэ вейке латкинес свал путнестъ колмонь-колмонь кснав: вейкентъ – сукстнэнь туртов, омбоцентъ – нармунтненень, колмоцентъ – кувтелонь касомга.

Пазонь Валонтень эйкакштнень тонавтома аламонь-аламонь, вал-вал мельга, ды те библейской виде-чись, конань тенст содама, эряви ловномс семс, зярс сыненст сон педе-пес а чарькодеви ды а сови превзэст.

1. ПАЗОСЬ АНСЯК ВЕЙКЕ

Кой-кона мастортнэсэ, косо ломантне а ловныть Библиянь ды пек аламо содыть Паздонть, ламот кемить: масторонтъ лангсо пазтнэ эрва кодат. Веенстнэ кемить кавто пазонь улемас, омбонстнэ – ниле пазос. Улить натой народт, конат кемить сядо ды тыща пазнэнь. Кой-китъ арсить, чись ды ковань истя жо пазт, секскак сюконякшныть тенст, лиясто натой озныть тенст, пшкалить эсь нужачист марто.

Чись ды ковань лездыть-арась тенст? Нама, а лездыть! Сынст эсесткак теинзе Инепазось, ды секс сынъ аволь пазт. Миненек эряви озномс аволь Пазонтъ вельде теезтненень – Эстензэ Инепазонтень.

Ознома-а ознома ангелтнэненень? А эряви. Сынъ аволь пазт. Ангелтнэ – живой существат. Эйстэст кой-конатне эрить минек ютксо, куш сынст а нетяно. Сестэ мейс озномс тенст?! Ангелтнэ аволь пазт – Пазонтень служицят. Пазось Сонсь теинзе сынст. Сынъ вечксызь Пазонтъ ды служить Тензэ. Ангелтнэде истя ламо, натой а лововитькак.

Улить-арась менельсэ лия пазт се Паздонть башка, конанень минь кемтяно? Те кевкстеманть лангс ответэнтъ макссынк тынсь, зярдэ ловносынк меельце нурькине примерэнтъ.

Вейке просвистерэсь снартсь марямо: Тая соды-арась, ули ансяк вейке Паз? Сон кевкстизе тейтер-нень:

– Тая, зяро пазт масторонок лангсо?

Тая мерсь:

– Вейке.

– Косто содат теде?

– Ды эдь лия пазтнень туртов светэнь лангсо арась тарка! – мерсь тейтерькась. – Минек Пазось пешти весе менелень ды моданть-масторонть.

Видестэ ёвтазь. Секс миненек вечкема Вере Пазось седе пек сетнень коряс, конатнень Сон теинзе.

Ловноманть туртов: Исходось (20:1-6).

- Кевкстематне:*
1. Светэнь лангсо зяро пазтнэде?
 2. Чись ды ковань марясамизь-арась, бути карматано тенст озномо?
 3. Эряви-арась озном ангелтнэненень? Сын лововить пазокс?

Озкось: Вечкевикс Менель Тетянок! Ёвтатано Теть сукпря сень кисэ, мекс Тон вейкине Пазат ды сехте покшат-виеват весе Эсетъ теезтнеде. Лездак тенок вечкемс Тонь весе седейсэ ды служамс ансяк Тонеть ськамозот. Минь энял-дтано Теть теде Иисус Христосонь лемензэ лецтязь. Аминь.

2. КИЕ ИСТЯМО ПАЗОСЬ?

Вере Пазось – те Личность. Сон эри менель лангсо. Те менелесь, конадо кортави Библиясонть, аволь се менелесь, конань минь нетяно эсь прянок вельксэсэ, кува уить пельть ды ливтить самолетт. Менелесь, косо эри Пазось, миненек а неяви. Зярдэ минь кортатано, Пазось эри менельсэ, а содатано, косо ашти те менелесь, но минь содатано ды кемтяно: те менелесь пек мазый, ды эйстэнек эрьвась бажи понгомо тов. Бути минь содасынек ды вечксынек Пазонтъ, сестэ куломадо мейле понгтано тов, қосот Пазось ды Сонзэ ангелтнэ.

Содатадо-арась, Пазось – Дух? Те корты седе: Сон рунговтомо Личность. Тонь ды монь, минек ули рунгонок, конасонть эри духось. Пазонтень рунгось а мезекс.

Сон масторонть лангсо сехте дивавтыця Существа. Зярдояк а тейни ильветькст. Пазось истямо ине, Сонензэ мезеяк а теевиця арась. Сон тейсы весементь, мезенть бажи тееме. Пазось теизе Вселенноенть: менелень ды моданть, тикшетнень ды чувтнень, чинть, ковонть ды тештнень. Сон нолдынзе ангелтнэнь, Сон жо теимизь тонь ды монь. Весе неявицясь ды анеявицясь теезь Пазсо. Сон кучни пурьгине ды ёндо, пиземе ды лов.

Косо Пазось? Минь уш меринек, Сон менельсэ. Но Пазось минек ютксожак, ды Сон мари эйсэнек. Арази

те а дива: Пазось эрва косо! Сон ильтни ломантнень океанонь покш пароходсо ды секе шкастонть ашт-текшны миссионертнень марто васоло мастортнэсэ. Минь аштетяно ансяк вейке таркасо. Сон ве шкасто – эрва косо.

Эряви содамс: Пазось вечксамизь ды пек мелявты кисэнек. Но бути миньгак Сонзэ вечксынек, сестэ апаро тевтне, конат покордыть Пазонтъ эйсэ, а лисневельть.

Ловноманть туртов: Исаия (6:1-8).

- Кевкстематне:* 1. Ули-арась Пазонтъ рунгозо?
2. Ёвтак, инескетъ, ансяк кавто таркат, косо неень шкасто Пазось?
3. Неи-арась Пазось чоподане, ветъ?

Озксось: Менель лангсо Инепазонок! Минь ёвтатано сукпря Теть сень кисэ, мекс Тон свал мелявтат минденек. Аминь.

3. КОСТО САЕВСЬ ПАЗОСЬ?

Ламось, мезентъ марятано Паздонть, тenek стака чарькодемс; примеркс, Пазось ве шкане эри эрва косо. Миненек те кодаяк а чарькодеви. Но сы шка, ды менель лангсо получатано ответ весе кевкстеманок лангс.

Косто саевсь Пазось? Ульнестъ-арасельть тетянзо-аванзо? Арасельть. Пазонтень эзь эряво а тетя, а ава. Сон зярдоак эзь чачне ды вишка эйкакшокскак арасель, эдь Пазось ульнесь свал. Сон свал ине ды течимс тунь эзь полавтово.

Пазось эрясь тонь ды тетят-ават чачомадо икелеяк. Зярдо эштё арасельть а пандт, а чувтт, зярдо эштё луга эзь пижелдэ ды арасельть моданть лангсо идем ракшатне, Пазось уш ульнесь. Сон ульнесь уш сестэ, зярдо модаськак арасель. Пазось карми эрямо пингде-пингес.

Миньгак карматано эрямо свал. Тень кис светэнтъ лангс нолдымизьгак Пазось. Минь аволь свалшкань ломанть. Рунгонок вестъ сыреди, ды сави тenek кадомс те моданть-масторонтъ. Но бути вечксынек Пазонтъ моданть лангсо эрямсто, сестэ понгтано Тензэ менель лангс, штобу тосо зярдоак а куломс.

Модалмасторсонть аволь аламо чавола ломанть. Сень таркас, штобу вечкемс Пазонтъ, сынъ вечкитъ ансяк эсь пряс. Куломадост мейле Пазось кодаяк а

примасынзе сынст менель лангс. Сынъ понгить чопо-
да ды потмура таркас, косо кармить эрямо Пазонть
марто явозь.

Бути карматано эрямо свал, тенек ваном а сень
мельга, кода эрятано те светэнтъ лангсо. Мон тенк ёвт-
нян вейке сюпав ломанень уцяскадо, кона теде стувтсь.

Те ломанесь сайсь пек паро урожай. Весе утомонзо
лато видьс пештязельть сюросо. Те сонзэ пек кеняр-
довтсь, эдь сон содась: те сюронтъ мисы питнейстэ ды
теevi седеяк сюпавокс.

„Паро, – мерсь сон эстензэ. – Ней монень а мезек
важомемс. Мон саян зяро ярмакт, конатнень лангс
раман мезе мелем!“

Зярдэ чокшне сон мадсь таркас, превензэ велясть
ансяк ули-паронзо перька. Седе, штобу сюпавчинь
таликанть явомс нужачис ваязь ломантнень ланга,
теде тунь эзь арсе.

Се вестэнтъ сюпавось кулось. Ней сонензэ эряви
стыам Пазонть икелев. Тесэ тензэ лецтявсь: эряволь бу
важомемс Пазонть лангс ды эсензэ сюпавчисэ лездамс
пиштякатнень ды сэредицятнень. Эзь кенере.

Мон кеман, кияк тынк эйтэ а ули истямо превте-
мекс, кодамоль те сюпавось!

Ловноманть туртов: Лукань пельде Евангелиясь
(12:16-28).

Кевкстематне: 1. Ули-арась Пазонть чачома чизэ?
2. Ульнесь-арась Пазось, зярдэ эзть
ульне а пандт, а чувтт?

3. Умок-аволь эри Пазось?

4. Зярс тон кармат эрямо куломадо т
мейле?

Озкось: Менель Тетянок! Ёвтатано Теть сюкпря сень
кис, мекс Тон максат тенек пингеде-пингень
эрямо. Лездак тенек эрямс истя, штобу а
покордамс Тонь. Минь вештяно тень Иисус
Христосонь лецтнемга. Аминь.

4. КОДА КАРМАТАНО СОДАМО ПАЗДОНТЬ, БУТИ СОНЗЭ А НЕТЯНО?

Кинень неяви вармась? Мон а неса, тонгак эйсэнзэ
а неят. Но куш сонзэ а нетяно, ялатаке содатано: вар-
мась пуви. Марясынек сонзэ эсенек прячерьсэ ды не-
сынек, кода лыйнить тикшесь ды чувтнэ. Ансяк эсен-
зэ варманть кияк зярдояк эзизе нексне.

Пазоськак тенек а неяви. Ансяк содатано, Сон ули.
Минь Сонзэ содасынек тевензэ коряс.

Лецтявить-арась теть сеть ули-паротне, конатнень
теи Пазось ды конатне кемекстыть Сонзэ улеманзо?

Примерэнь кис сайсынек тештнень, чинть ды ко-
вонть. Арсят, сынсь мусть тарка менельстэ? Эдь тов ки-
бути кустинзе. Бути неят кудо, эдь а арсят, сон лиссь
мода потсто? Содат, сонзэ кие-бути стявтызе. Зярдэ

менельстэ несынек певтеме тештнень, минь истя жо содатоно: сынъ тосо теевсть аволь апақ учо. Кие-бути сынст тува сравтнзе. Те „Кие-бутись“ самай улиак Вере Пазокс.

Содат, мекс тенек а неяви Нишкесть? Сон истямо мазый ды вадря, неемстэнзэ сеске куловлинек. Но вестъ Сон сайсамизь Маргонзо, бути карматано кунсомонзо. Менель лангсо минь несынек Инешкипазонть Эсензэ славасо.

Куш ней Пазонть Эйсэ а нетяно, Сонензэ ялатеке кемтяно, ды Сон вечкеви тенек. Библиясь корты тенек Инепаздонть, Сонзэ вечкемадо ды милостге миненек, ломантненень. Штобу вечкемс Пазонть, Сонзэ неемс а мезекс.

Ве авась мерсь тейтерьканстэнь, келя, сонензэ эряви вечкемс Пазонть. Тейтерькась кевкстизе:

– Корьмакай, кода карман Пазонть вечкеме, бути Эйсэнзэ а неян?

Зярыя чинь ютазь сермань кантницясь кандсь казане сыре патянзо пельде, конань тейтернесь вестьяк эзизе некшне. Тейтерькась стамбарнэ панжизе тапарксонть ды несъ картинка марто мазый книгине. Кувать сон мельспаросо ваннось эйсэнзэ, мейле чиезь тусь аванстэнь.

– Авай, кодамо ён книжкась! Сыре патям пек, натъ, паро ломанесь!

– Ды эдь тон сонзэ вестьяк эзизе некшне!

– Те виде, – мерсь тейтерькась, – ансяк мон ялатеке арсян: сон чевте ойме ломань. Вантая, кодамо мазый книга тень казсь!

Истя миненекак вечкема Пазонть, куш зярдояк Сонзэ эзизе некшне. Сон казсь тенек оно зяро улипарот: пря вельксэнек аштица латонть, тетянок-аванок ды ламо лият-мезть. Секс миненек эряви вечкемс Сонзэ ды ёвтамс Тензэ сюкпря сень лангс апақ вано, Сон зярс тенек а неяви.

Ловноманть туртов: Бытиясь (1:14-28).

Кевкстематне: 1. Неяви-арась тетъ вармась? Косто содат, сон ули?

2. Неяви-арась тетъ Пазось? Косто содат, Сон ули? Ёвтак зярыя примерт.

3. Мекс те шкас тенек а неяви Пазось?

4. Зяро Сонзэ несынек?

Озксось: Вечкевикс Инепазонк! Минь сюконятано Тонь икеле сень кисэ, мекс Тонь кедьсэ теезентъ вельде содатоно улемадот. Тештне, чись, ковось – весе сынъ кортыть Тонь покшчиде, чансть Тетъ, минь Тонь вестъ нетядызь истямокс, кодамокс Тон улят. Аминь.

5. ТЕТЯ ПАЗОСЬ, ЦЁРА ПАЗОСЬ ДЫ СВЯТОЙ ДУХ ПАЗОСЬ

Содатано, Пазось ансяк вейке. Ды секс сень, мезде карматано кортамо, а сеске толковасак. Пазонь Валдонть те темась сех эрвикстнэстэ вейкесь.

Минек Менель Тетясь – Вере Пазось. Но содылидеарась – Иисус Христоскак ульнесь Пазокс? Святой Духоськак истя жо Паз. Вере Пазт сынъ весе колмонест. Минек Пазось ашти колмо чачосто.

Кода истя колмо Личностне – Тетясь, Церась ды Святой Духось – кандыть вейке Пазонь лем? Паряк, Иисус – ансяк Инепазонть лия лемезэ? Арась! Тетясь, Цёрась ды Святой Духось аволь ансяк вейке Пазонь лем. Пазонть ули, истя меремс, обязанностень явномазо. Тетя Пазось ды Цера Пазось теизь менеленть ды моданть. Иисус корты: „Мон ды Тетям – вейке лица“.

Кулозьстэ вельмемадо мейле Иисус мекев велявтсь менель лангов, штобу саемс Паз Тетянзо вакссо тарка. Миненек Сон кучизе Святой Духонть, Конась истя жо ловови Пазокс. Те Святой Духось эри сеть ломантнесэ, конат примизь Иисус Христоснэнь кемеманть.

Ды ялатеке Пазось вейкине. Ней снартнетяно нее-ме, кода истя колмо Личностне теевить вейке Пазокс? Варштадо клеверэнь лопанть лангс. Сонзэ улить колмо цеця лопинензэ, ды ялатеке те вейке лопа. Эли

сайсынек веденть. Сон свал начко. Зярдэ жо пек кельмевтьсызь, сон велявты эекс, эждемстэнзэ жо – парокс. Ведентькак, эентькак, паронтькак составост вейке. Неть примертнэ аламодо максыть тенек чарькодемс Пазонть „колмо чачодонзо“, но целанек весемеденть карматано содамо ансяк менель лангсо.

Миненек теде эряви содамс, секс што ламот а кемить: Иисус ловови Пазокс. Ды бути Сон а улелель истямокс, Сон аволь улеле минек Идицякскак.

Илядо янксе, бути тенк паро ладсо а чарькодеви триединствадо тонавомась. Тень лангс апак вано, тыненк улема Пазонть кунсолыцякс, тонавтнема эрва Сонзэ кармавтоманть.

Ловноманть туртов: Марконь (1:9-11); Иоаннонь (16:7-15) пельде Евангелиятне.

Кевкстематне: 1. Сюконятано минь вейке Пазнэнь эли ламонень?
2. Минек Пазось ашти колмо Личностьстэ. Ёвтавить-арась сынъ тонеть?

Озксось: Инепазонк, Менель Тетянок! Миненек Тон а онкстават Эсь покшчисэть. Но минь ёвтатано Теть сюкпря сень кис, мекс Тон минек вечксамизь. Лездак тенек седеяк пек Тонь вечке-ме. Энялдтано Теть Иисус Христосонь лемсэ. Аминь.

6. МЕЙС ПАЗОСЬ НОЛДЫЗЕ ЛОМАНЕНТЬ?

Мезекс Пазось нолдымизь минек, ды мезень кисэ эрятано? Пазось нолдымизь сень кисэ, штобу вечкевлинек Сонзэ ды путовлинек мельс. Сон учи пельденек сукпры ды бажи, штобу кеняркшновлинек, эдь минек ули седеймариця ине Пазонок. Теде башка, Сонзэ мелезэ, штобу минь арсезевлинек тенек максозь Сонзэ ине вечкемадонть. Те вечкеманть Сон невтизе тенек, кода кучизе те масторонтень Эсензэ Иисус Христос Цёранзо, Кона Эсензэ лангс саинзе весе пежетенек. Миненек весе седейсэ ёвтама Пазонтень пасиба сень кисэ, мекс минь Сонзэ эйкакшт. Ды эште Сон учи пельденек эсь малавикстнэненъ вечкеманъ явома. Пазось вечки эйсэнек, те максы тенек од вийть вечкемслиятнень.

Чарькодиде-арась, мекс Пазось нолдызе ломаненть? Сон весементъ теизе минек туртов. Ней тенек кандови Паро Кулясь Сонзэ лементъ лецтнемга.

Вечксак-арась тон Сонзэ? Текень кис Сон макссь тетъ эрямо.

Монень ёвтнестъ ве ломанде, кона пек вечкилизе Пазонтъ. Сон кенярдозь морась Паздонть, содась: те тукшны Сонзэ мельс. Кой-кона ломантне кортасть тензэ; седе паро, келя, улевель, бути сон а мораволь, эдь сонзэ ульнесь аволь мазый вайгелезэ. Тень лангс

ломанесь мерсь: „Менель Тетям кеняркшны монъ морамонтень, натой бути моравлинь варакадожк беряньстэ“.

Зярдэ вечксынек Пазонтъ, вечкеманок сеске несызь-марясызь. Пазось кеняркшны тень кисэ.

Ловноманть туртов: 146-це Псалмась.

- Кевкстематне:*
1. Мезекс нолдымизь Пазось?
 2. Пазось нолдымизь, штобу минь эрявлинек Сонзэ кисэ. Эрямс-а эрямс ансяк эсенек кисэ?
 3. Кода арсетядо, ули Пазонтъ мелезэ марямс минек морамонок, бути вайгеленекак арась?

Озксось: Менель Тетянок, лездак тенек ёвтамс Теть сукпры. Лездак кандомс Эйтэдеть Паро Куля ды эрямс Тонь славанть кис! Минь теде энялдтано Икелеть Иисус Христосонъ лемсэ. Аминь.

7. ЭШТЕ ЗЯРЫЯ МЕЛЬТЬ ИНЕПАЗДОНТЬ

Тон ламо содат? Тон кой-мезе содат машинатнеде, самолетнеде, маштат ловномо ды сермадомо ды эште лия тевень топавтомо. Ансяк тетят-ават содыть тондеть аламнеде седе ламо. Ломанесь весе эрямонзо перть тонавтни. Ды ялатеке ламонть сон а кенерькшны темензэ.

Но ули вейке Существа, кона соды весемедеть: те – Пазось. Сон весеметь нолдызе ды соды весемеде. Соды натой, мезде ней арсят. Сон соды, мезе ульнесь ламо тыща иеде теде икеле ды мезе карми улеме икелепеле. Пазось истя жо соды, вечсак тон Сонзэ эли а вечсак. Пазонть икеле мезеськак а кекшеви, эдь Сон эрва косо, соды весемеде ды мездеяк а стувтни.

Пазось истя жо теи сень, мезенть Сон лови сех эрявиксэкс. Сонензэ мезеяк а тевиця арась. Пазось сэредицяненъ максы шумбрачи. Сонензэ кучови давол, Сонензэ жо оймавтовияк сон. Инепазось нолдтни ломантненъ пежетест ды казни тенст пингеде-пингень эрямо.

Пазонть эште вейке ёрокчидензэ тенек содама. Сон а полавтневи. Сон свал истямо жо: исяк, течи ды свал. Зярдояк а сырели ды а лавшомкшны. Паряк, тонь улить покштят-бабат, конатне сыредсть-какарьгадсть. Ломантне полавтневицят. Од шкасто сынъ

виевть ды шумбрат, сыречисэ кадновить вийтемекс. Пазось жо кадови истямокс свал, кодамокс Сон ульнесь.

Пазось вечксамизь. Секс тенек а эряви мелявтомс сы шкадонть ды пелемс эйстэнзэ. Минек Пазось паро ды виевде виев.

Ловноманть туртов: 8-це Псалмась.

- Кевкстематне:* 1. Ёвтак зярыя тевть, конатненъ теинзе Пазось.
2. Ёвтак, инескетъ, мезеяк, мезенть содасы ансяк Пазось?
3. Сыреди-арась Пазось?

Озксось: Минек пародояк паро Инепазонок, менель Тетянок! Ёвтатано Теть суюкпря сень кисэ, мекс Тон сехте виеват. Истя жо сень кисэяк, мекс Тон зярдояк а полавтневат. Минь ёвтатано теть суюкпря Тонь вечкемат кис ды энялдтано Теть: лездак миненек эрямс истя, штобу эрямонок кандоволь Тондеть паро куля! Аминь.

8. АНГЕЛТНЭ

Эште ломаненть нолдамодо икеле Пазось тейсь существат, конатненень макссь тарка менельсэ. Неть существатненень Библиясь лемдинзе ангелэкс. Миненек сынь а неявить, но сынь неить эйсэнек. Эйтэст кой-конатне аштить тунь минек маласо. Сынь ванстыть эйсэнек ды лездыть тенек.

Те, нама, а корты седе: минек марто мезеяк а лиси. Лиякс ёвтамс, мезекс се арсемась, келя, Пазтомо а ёматано. Зярдояк Пазось эзь алтне тенек апелевтиця эрямо, но Эсензэ ангелтнэнь туртов Сон мерсь мелявтомс кисэнек, Эсь эйкакштнеде.

Кой-кона ангелтнэненень явови пек покш тарка. Примеркс, Святой Писаниясто ловнотано Гавриил ангелдэнтъ. Те ангелэсь Пазонтъ башка кучозезэ. Зярдод Даниил пророкось чинек-венек ознось Пазонтень, Пазось кучизе тензэ те ангелэнтъ. Седе тов те ангелэсь сась Захарияненьгак, Иоанн Крестителень тетянстэнь. Истя жо Марияненьгак токась Гавриил ды мерсь: те авась кочказь Иисус Христос Пазонтъ чачтыцякс.

Святой Писаниястонть куля ловнотано Михаил архангелдэнтъкак. Сон истя жо Пазонь виевде-виев ангел.

Вифлеемонь паксятнес появась ангелэнь цела хор. Сынь ёвтасть кенярксов куля Идициянтъ чачомадо ды шнызь Пазонтъ моросо.

Ангелтнэнь, кода минекак, нолдынзе Пазось, секс арасть праванок а сюконякшномс тенст. Паряк, тон арсить зярдояк: паро бу улемс истямокс, кодамаат течи. Ангелтнэ – Пазнэнь служицят. Минь – Сонзэ эйкакшт. Улемс Пазонь Эйдекс – те покштояк покш часия! Миненек кеняркшнома, мекс Пазось свалшкань куломадонть идимизь.

Мон ёвтнян тенк история вейке цёрадо, кона несь зярыя ангелт. Те од ломанесь ульнесь Елисей пророконтъ важокс. Пророкось получась Пазонтъ пельде тев ёвтнемс ломантненень Нишкентъ олядо. Те пек кежи-явтынзе ломантненень. Сынь арсестъ седе товгак эрямс пежетьсэ. Но пророкось эзь максо тенст оймамо, ды сынь эрва кода снартнестъ теэмс Елисейнень зыян. Сестэ инязорось арсестъ наказамс пророконтъ. Штобу пекстамс сонзэ тюрьмас, сон кучсь цела армия се ошонтень, косо те шкане ульнесь пророкось. Вестъ валске рана пророконтъ важозо неизе, кода весе ошонтъ пиризь тыща ушмант. Сынь састъ тюрьмав Елисеень саеме! Важось чийсь пророконтень ды пижакадсь:

– Мезе теема тенек? Пирызтяно солдатнэсэ, конат арсить тонь пекстамо!

Пророкось тень каршо мерсь:

– Иля пеле! Пазось минек ёно. Минек перька ангелтнэ, конат ванстыть эйсэнек.

Елисей кармась Пазонтень озномо: „Осподи, панжить, инескетъ, монь важонтъ сельмензэ, штобу сон неевлинзе ангелтнэнь, конатненень Тон кучить минек ванстома“.

Пазось тейсь истя, што важось несь перть-пельга толбаргот, конат кучозельть ванстомост. Зярдю ушмантнэ мольсть малас, Елисей пророкось энялдозевсь Пазонтень, штобу Сон аламошкас сокоргавтовлинзе сынст. Те энялксонть Пазось топавтызе. Истя ульнесь вантозь куломадо Елисей пророкось ды сонзэ важозо.

Ловноманть туртов: Апостолтнэнь Тевест (12:5-17).

- Кевкстематне:*
1. Мезе содатано ангелтнэде?
 2. Кода лемест кавто сехте покш ангелтнэнь?
 3. Тееви-арась ломанесь ангелэкс?
 4. Мезесь сехте вадря, тонь койсэ: улемс ангелэкс, эли Пазонь эйдекс?

Озксось: Менель Тетянок! Тон нолдыть ангелтнэнь, штобу сынь служавольть Тонеть. Минь ёвтатано Теть сукпря сень кис, мекс Тонь ангелтнэ ванстыть эйсэнек. Минь истя жо ёвтатано Теть сукпря Тонь эйкакшокс улеманок кисэ.

9. КИЕ ИСТЯМО ИДЕМЕВСЕСЬ?

Идемевсесь а неяви, но сон ули ды свал бажи теемс тенек ды Пазонтень кодамояк зыян. Васня сон ульнесь Нишкень сехте покш ангелэкс-служицякс. Сон топавтсь весеметь, мезес Пазось кармавтсь.

Ансяк весть сон лоткась Пазонтень вечкеме ды кунсолосо. Мейс ангелэсь лоткась кунсолосо доды косто тензэ састь истят мельть – минь а содатано. Ангелэнтень кармасть сядомо Пазонтень лангс сельмензэ ды састь тензэ превть аравтомс прянзо Сонзэ ваксс. Истя идемевсесь теевсь Пазонь ятокс ды се шкастонть саезь эрва мейсэ снартни теемс Тензэ зыян.

Но сы шка, ды Пазось наказасы Эсь ятонзо. Ули тарка, конанень мерить ад. Тосо идемевсесь ды весе сетне, кить служить тензэ, кармить свал майсеме. Кой-кона ангелтнэ стясть идемевсентень ёнов. Неть празь ангелтнэнь Пазонь Валось лемдинзе демонокс. Сынь, кода идемевсеськак, духт ды эрить минек ютксо. Но сынест мезеяк берянь минек тургов а тееви, бути вечксынек Иисусонь ды кирдяно Эйсэнзэ седейсэнек. Идемевсесь ды демонтнэ пек пелить Иисус Христосто, эдь содыть: ве шкасто Сон ёртсынзе сынст толс.

Идемевсесь эрва кода снартни мендямонок кезентень. Секскак тенек а сгувтнама: кие кунсолы идемевсентень, се пежетьсь ваи!

Миненек менькшнема сеть таркатнеде, косо иде-
мевсень искувамотне сехте виевть. Улить ломанть
(сыненст мерить спиритистт), конат кортнить мартон-
зо. Тень пингстэ идемевсесь невти пря, буто кортыть
кулозь раськетне. Пазонь Валось а мери тенек кортне-
ме истят ломантнень марто. Идемевсесь ды сонзэ
лездыцятне – манчицят.

Вейке велесэ эрясь церыне, конань идемевсесь сех-
те пек муцясь. Цёрынесь эзилize сода Иисус Христо-
сонь. Весть цёрканть тетязо марясь, Иисус ашти
велест маласо. Ветизе пакшанзо Сонензэ ды энялдсь
панемс церыненть седейстэ те кежев духонтъ. Иисус
топавтызе энялксонтъ, идемевсентень мерсь кадомс
цёрканть ды мекев а сакшномс.

Иисусонь каршо идемевсенть виензэ а сатныть, эдь
Иисус Христос – Паз.

Ловноманть туртов: Исаия (14:12-17); Матфеень пель-
де Евангелиясь (17:14-18).

- Кевкстематне:*
1. Мезе те адось?
 2. Кие те идемевсесь ды кикс сон уль-
несь икеле?
 3. Кие седе виев: идемевсесь эли Па-
зось?
 4. Идемевсенть кодамо мелезэ?

Озксось: Виевде-виев Паз, менелень ды модань Теиця!
Минь ёвтатано Теть сюкпря сень кис, мекс
идемевсенть арась минек лангсо властезэ, эдь

минь Тонь эйкакшот. Евтатано Теть чансть
сень кисэ, мекс весе кежев духтне пелить
минек Иисус Христос Идицянок эйстэ. Лез-
дак тенек кадомс Тонь мельга молицякс
эрямонок прядовомс. Теде энялдтано Теть
минек Иисус Христосонь лемензэ лецтнезь.
Аминь.

10. АДАМОНЬ ДЫ ЕВАНЬ НОЛДАМОСЬ

Минь а содатано, зардо Пазось теинзе тештнень,
моданть, идем ракшатнень ды весе лиянтъ. Но содат-
арась, кода Сон весе тень теизе? Сонензэ эзть эряво
тень кис кодаткак кедьёнкст. Пазось весе тень теизе
Эсензэ Валонтъ вельде. Сон мерсь чинтень светямс –
ды сон валдомты. Пазось истя жо нолдынзе эрьва
кодат ракшатнень, калтнэнь, нармунтнень, чувтнэнь,
тикшетнень ды цецятнень. Масторось, конань теизе
Пазось, ульнесь пек мазый. Тосо сардт ды салмукст
арасельть, идем ракшатне эрясть ояксчисэ, ды кияк
киньгак эзь токше.

Теде мейле Пазось нолдызе васенце ломанень:
Адамонь. Библиясо те невтезь истя: Пазось сайсь
севонь ды тейсь ломанень рунго, мейле пувась тозонь
эрямо. Содатадо, кода дивазевсь Адам, зардо неизе те

мазый мирэнтъ? Ды весе тень теизе Пазось ломанентъ туртов. Пазось натой кортнесь сонзэ марто. Паряк, Адам кевкстизе Пазонтъ, кодамо ладсо Сон теизе сонзэ, ды Пазось ёвтнесь тензэ.

Ды вана сась чи, зярдо Пазось снартсь нолдамс эште вейке ломань, Адамнень лездыця – Евань. Паряк, сон ульнесь Адам марто пек уцяскав ломанекс. Берянь мелест арасельть, седеесткак олякстомозельть кежтнеде. Пазось вечксь эйсэст, сынъгак вечкилизь Пазонтъ.

Нишкесь нолдынзе ломантнень ды аравтынзе сынст весе теезентъ вельксэс. Ломанень ды лиянь-мезень теемась велявтьс чудакас ды ине дивань тайнакс. Но сех покшось оно мейсэ: Пазось миненек саеви превсэ, ды весе седейсэнек Сон вечкеви.

Ловноманть туртов: Бытиясь (2:7-25).

- Кевкстематне:*
1. Мейстэ Пазось теизе Адамонь?
 2. Кода Пазось теизе масторонтъ?
 3. Мезес тонавты ломанень теемадо историясь?

Озксось: Менель Тетянок! Ёвтатано Теть сюкпря сень кис, мекс Тон теик менелентъ ды масторонтъ. Сюкпря Теть Тонь вечкемат ды виевчить кисэ. Лездак тенек седеяк пек содамс ды вечкемс Тонь. Аминь.

11. КОДА ПЕЖЕТЕСЬ СОВАСЬ ТЕ ЭРЯМОНТЕНЬ

Идемевсесь эзь кунсоло Пазонтъ ды секс Нишкесь явизе сонзэ Эсензэ эйстэ. Идемевсентъ кежиявтызе се, мекс Адам ды Ева вечксть Пазонтъ. Самай текень кувалма сон сась мелъс мендямс акунсолomas Ева марто Адамонь. Содась, бути лиси истя, ломантнень часият еми. Эдь сестэ Нишкесь сынст наказасынзе ды овсе паньсынзе райстэ.

Пазось кардынзе ломантнень сад куншкасо касыця вейкине чувтостонтъ умарде ярасамо. Идемевсесь сась Еванень ды мерсь: Пазось а наказасынзе, бути лоткить кунсоломонзо. Сон кемевтсь: те чувтостонтъ умартне сех тантейть, ды кие сынст варчасынзе, карми эрва мезде содамо. Те ульнесь, нама, певтеме лавгамокс, но Ева кемезевсь идемевсентень. Сон сезсь умарь ды сэвизе, макссь мирденстэньгак, тонак сэвизе.

Содатадо, мезе лиссь? Се шкастонтъ, зярдо Адамт-Еват сусксть а меревиця умардентъ, сынъ кармасть куломо. Куш аламось эрясть седе мейле, ялатеке уцяскаст казякадсь, чистэ чис яла сынъ сырелгалестъ-лавшомкшность, рисксэсь эзь лисне седейстэст. Пазось сынст панинзе садстонтъ ды мерсь тов а совсемс. Теде мейле тосо эрва кува срадсть-кепететсть зьянов тикшеть, секскак Адамнень пек стакаль кавшакавтомось паксянтъ. Ды весемесь лиссь Пазонтъ а кунсоло-

манзо кисэ. Меельцьпелев эйкакшост-нуцькасткак ве-
лявтсть а кунсолыцякс. Миньгак истямокс теевинек.

Арсекая, кода паро улевель, бути моданть лангсо
кияк апаро тевс а пецевель. Сестэ а салыцят-печки-
цят, а войнат-мезть – ве берянь тев а лисевель. Весе-
нень эрвась лездаволь. Но самай се чистэнтъ ломан-
нень уцяскасо лиссь сех апарось: весе мода лангонь
эрийтне стясть-кепететсть эсь Нолдыцяст каршо. Те
акунсолманть Библиясь лемдизе пежетекс.

Адам марто Ева кемсть: мартост мезеяк а лиси,
варчиндерясызь токшемс а меревиця умартнень. Са-
май тень учоськак идемевсесь.

Сон свал бажась ломантнень манямо ды штобу
минь а кунсловлинек Вере Пазонтъ. Кортась, Сонзэ а
кунсолось, марят, уल्याно седеяк уцяскавт. Те манче-
ма. Пазось наказажны тень кисэ. Адам ды Ева фа-
тясть теньс, ансяк поза.

Ловноманть туртов: Бытиясь (3:1-19).

Кевкстематне: 1. Вечксы-арась идемевсесь Пазонтъ?
2. Сон бажи-арась Пазонтъ вечкевте-
ме?
3. Мезе идемевсесь мерсь Еванень?
4. Мезе лиссь Адам ды Ева марто седе
мейле, зярдо сэвизь сеземс а меревиця
умарентъ?

Озксось: Менель Тетянок! Минь пек янксетяно, мекс
кувать Эйсэть эзинек кунсолло. Лездак тенек

теевемс кунсолыцякс. Лездак истя жо менемс
идемевсэнтъ эйтэ. Энялдтано Тонь икеле
Иисус Христосонь лемсэ. Аминь.

12. ПАЗОНТЬ БАЖАМОЗО – КУЧОМС ИДИЦЯ

Минь уш маринек рисксэв чидентъ, зярдо Адам ды
Ева совастъ пежетъс. Сынь кунсолызь эсь ятонть, ды
тона теинзе сынст акунсолыцякс.

Ансяк вечкиця Нишкенек бажась а кадомс ломан-
тнень кежевекс. Сон кардынзе васенце эрийтнень эсь
пежетест кисэ, ялатеке вечксь эйсэст. Пазось тоньгак
вечктянзат, сень лангс апак вано, Сонзэ пек сеетьсть
апаркстомкшнык зыянов тевсэть.

Пазось бажи идеменек наказамонтъ эйтэ. Те на-
казамонтъ Сон саизе Эсензэ лангс ды минек туртов
кучизе Иисус Христосонь, Эсь Вейкине Цёранзо. Тесэ
Сонензэ мерезель ломань пежетнень саемс Эстензэ.

Самай текень кувалма Иисус чачсь вишка эйдекс
Вифлеем ошсо. Кода весе пакшатне, Сон кассь-кепе-
тетъс, ансяк зярдояк пежетъс эзь совсе дыменьгак
берянь эзь тейне. Кежев ломантне саизь Иисусонь ды
чавизь крест лангс, тосо Сон кулось минек кисэ.
Миненек а невтеви, кодат сэретькст цидярдсь Сон,
Эсь олясо майсесь минек кисэ. Самай теньсэ минек
туртов Сонзэ Вечкемаськак.

Весть ве ломаненть кундызь саламсто. Ветизь судс.
Судьянтъ дивамозонзо, пежетьсь совазесь ульнесь икелень ялгазо. Ансяк судьянтень эрявьсь улемс видечинь кис аштицякс, секс сон те преступникенть эзизе про-
стя сень лангс апак вано, зярдо-бути ульнесь сонзэ ялгакс. Ды максь истямо чумондома: салазь ярмакт-
нень велявтомс ды ве ковс церанть озавтомс тюрьмас.

– Ды уш монь кедьсэ арасть неть ярмактне! – пи-
жакадсь салыцьсь. Тесэяк судьясь лиссь изницякс.

– Паро, – мерсь сон. – Те ярмаконтъ монсь пандса.

Ды пандызе.

– Ней, – седе тов кортась икелень ялгантень, – тонь
кисэ монсь озан тюрьмас. Азе кудов, эсь семиянтень.

Судьясь озась тюрьмас, салыцьсь нолдазель кудов.

Истя тейсь мартонок Пазоськак. Эсь пежетнень
кисэ миненек примама наказамот. Истямо наказа-
мокс теевсь свалшкань куломась – Паздонть пингеде
пингес явомась. Минек таркас виськсэнтъ саизе Эсен-
зэ лангс Иисус Христос ды кулось сеть пежетнень ки-
сэ, конатнень весе эрямонок перть кардавлинек минь.

Койсэм, те вечкеманть кисэ свал карматано
аштема Пазонть икеле чумокс. Тонгак истя арсят?

Ловноманть туртов: Лукань пельде Евангелиясь
(22:39-46 ды 23:27-38).

- Кевкстематне:* 1. Пек-а пек Пазось вечктянзат?
2. Кода вечксак Нишкенть?
3. Кода невтьсак эсь вечкемат Пазон-
тень?

Озкось: Менель Тетянок! Содатано, минек Вере Па-
зось Иисус Христос истя вечксамизь, натай
кулось кисэнек крест лангсо. Лездак тенек,
инескетъ, штобу миньгак Сонзэ вечкевлинек
весе седейсэ. Тонеть служамга максьынек ве-
се эрямонок. Аминь.

13. МИНЕК ПАРО ПАСТЫРЕСЬ

Содат-арась, мезе Иисус теи менель лангсо? Сон
стякшны сетнень кисэ, кить весе седейсэ кемемасот
примизь Сонзэ. Зярдо идемевсесь сакшны Нишкен-
тень ды ёвтни Тензэ минек тамашатнеде, Иисус ушли
истя: „Мон кулынъ сынст кисэ крест лангсо“.

Сон кучизе тенек Эсь Святой Духонтъ, штобу Тона
ливтневель лангс минек ильветькстнэнь, кода те лади
Пазонь эйкакштнень туртов.

Ялатеке а стувтнема, Иисус аволь ансяк минек –
весень вечксынзе. Сон лезды тенек ёвтнемс Паздонть
лия ломантнененьгак. Бажамозо – кадык весе содыть:
Иисус Христос кулось сынст кисэ. Сон кучни Эсь эй-
какшонзо эрьва ков, штобу тонат вастневельть весень
марто. Истямо ладсо ламот марякшнызь идемадо
паро кулянтъ. Иисус вечксынзе мода лангонь весе
эрийтнень, натай сетнень, кить Сондензэ содамскак а
снартнить.

Ловноманть туртов: Римлянтнэнь Кучомась
(8:35-39).

Кевкстематне: 1. Мезе Иисус теи менель лангсо иде-
манок туртов?
2. Мейсэ Иисусонь вечкемазо?
3. Мезде тенек ёвтнема весе ломант-
ненень?

Озкось: Менель Тетянок, минь ёвтатано Теть сюкпря
ине вечкемат кисэ ды сень кис, мекс кинень-
гак а салавтано Тонь кедьстэ. Лездак тенек
Тонь вечкеме ды Идицядонть лиятненень ёв-
тнеме. Тень вештяно Тонь пельде Иисус Хри-
стосонь лемсэ. Аминь.

14. МЕЗЕ ЛИСИ, БУТИ ИИСУСНЭНЬ ЭНЯЛДТАНО УЛЕМС МИНЕК ИДИЦЯКС

Пазось эри пингедэ-пингес. Сонзэ а пезэ арась, а
ушоткосо. Ульнесь шка, зардо эзть ульне а ломанть,
а модась. Пазось аволь ансяк пингедэ-пингень. Сон
соды веседе: зардо чачить, Сон уш сестэ вечкилин-
зить.

Пазось содась сеть тонь пежетнедеяк, конатнень

мейле тейсыть. Те апаркстомтсь Сонзэ. Сон содась,
сави Тензэ кардамат, секскак пежететь саинзе эсензэ
лангс. Иисус Христоснэнь сась мель кадомс менель
лангонь Тиринь Кудонть ды валгомс мода лангс, што-
бу минек кисэ саемс чумотнень. Те лиссь 2000 (кавто
тыщат) иеде теде икеле. Иисус кулось весе ломант-
ненень кисэ. Ней миненек энялдома Сонзэ икеле Иди-
цякс велявтоманзо кувалма.

А содат, кода теемс тень? Тунь а стака. Иисус уш
икелепелев несь: минь бажатано олякстомомс эсь
пежетнеде. Ды ялатеке Сон бажи озкссо пшкадемс
Тензэ эсенек мельтнеде. Примеркс, истя: „Вечкевикс
Иисус, эсь эрямосон мон теинь пек ламо апарат ды
теньсэ сеетьстэ Тонь эйсэ покордакшнынь. Простя-
мак, инескеть! Тон валгить моданок лангс ды кирдить
монь кисэ ламо майсемат. Тон максык монь кисэ эря-
мот. Тон кулыть монь кисэ крест лангсо, штобу саволь
тень а кулыця эрямо. Ёвтан Теть чансть сень кисэ: Тон
чевтьстэ кортат мартон. Монстень кодамояк лескс
Теть эзь тееве, но Тон казить тень свалшкань уцяска.
Сюкоян Тонь икеле. Аминь“.

Нама, весе неть валтнэнь Тонеть ёвтамс а мезекс.
Тон ознок эсеть валсо.

Иисус кеняркшны, зардо Сонзэ кедьстэ вештяно
простямот пежетенек кисэ. Паряк, тон уш энялдыть
Сонзэ икеле? Бути эзить, энялдт нейке. Вере Пазось
учи тонь пшкадеманть.

Ловноманть туртов: Иоаннонь пельде Евангелиясь
(3:1-18).

- Кевкстематне:* 1. Кие ульнесь наказазь пежететь кисэ?
2. Мезе тенек теема, штобу Иисус улевель минек Идицякс?

Озкось: Вечкиця Иисус! Содан, а мезень кисэ максомс тень пингде-пингень эрямо. Но мон ёвтан Теть пасиба сень кисэ, мекс Тон максат тень идема. Истя жо пасиба сень кисэ, мекс мон свал карман улеме Тонь марто менельсэ. Аминь.

15. МЕКС ИИСУС ИДИМИМ?

Вейке ломанесь кирдсь пине. Яксесь мельганзо, андсь эйсэнзэ, сынь свал ульнесть вейсэ. Весть ломанесь кораблиасо сыргась путешествияв, кискантькак саизе маргонзо. Мельганзо ардтнемстэ друк пинесь прась борт алов. Азорозо чийсь капитанонтень, пижакадсь:

– Монь пинесь, монь пинесь бортонть томбале!
Бойка лоткавтынк кораблианть. Эдь сон ваи.

Капитанось пейдезевсь:

– Ох, авакай, кодамо-бути кискинень кисэ эште лотксема...

– А бути борт алов ломань сявори, сестэ кораблианть лоткавтовлинк?

– А кода эно, – мерсь капитанось.

Сестэ пинень азорось ношкстась палуба лангс ды кирнявтсь борт алов, ловов ведентень. Кораблианть савсь лоткавтомс, штобу идемс ломаненть. Кавонест, церась ды пинесь, таргазельть.

Иисус вечксамизь седе пек, кода те ломанесь эсь пинензэ. Иисус „ёртовсь“ пежетень моряс, ков вайси-нек, ды идимизь.

Весе ангелтнэ, истя жо идемевсесь эсь важонзо марто, неить, кодамо мазый Пазонть вечкемазо. Сон истямо ине – минекак идимизь, куш ульнинек пежетевекс. Те вечкемась максни тенек од седейть, конат вечксызь Иисус Христосонь. Весе менель ангелтнэ ёвтнить сукпрат Пазонтень сень кисэ, мезе Сон тейсь тенек. Сынь кеняркшныть: тонгак вечккак Иисусонь.

Се берянесь, минь а истяттано, кодамокс Иисус бажи нееменек. Минь течис яла апарат тейнетяно. Пазось жо неи эйсэнек истямокс, кодамокс карматано улеме кулозьстэ вельмемадо мейле. Иисус Христосонь куломанть вельде минь простязьдяно. Минек пельде учови ансяк Идицянтень кемема, Нишкенть кедьсэ кадовтано пежеттеме.

Ловноманть туртов: Лукань пельде Евангелиясь (15:3-7, 11-24).

Кевкстематне: 1. Пежетьсь совазтне велявтыть-арась Пазонь эйкакшокс?

2. Кие тейсамизь Пазонь эйкакшокс?

3. Кода можна теевемс Пазонь эйкак-шокс?

Озкось: Мон сюкпря ёвтан Теть, Иисус Христос, мекс Тон кулыть монь ды пежетем кисэ. Аминь.

16. ИДЕСАМАМ-АРАСЬ ИИСУС, БУТИ КАРМАН УЛЕМЕ ВАДРЯКС?

Содатадо-арась, минь зярдояк а карматамо улема парокс, штобу туемс Нишкенть мельс? Кой-кона эйкакштне арсить: „Зярко тетям-авам эйсэ карман кунсоломо, а карман сёвномо-тюреме оян марто, а карман лавшотнень покордамо – сестэ понган менельс“.

Тевесь ашти аволь истя. Эсь вийсэ райс кияк а понгони. Тевесь вана мейсэ. Минь яла одс ды одс карматамо ды тейтяно сень, мезесь Пазонтъ мельс а тукшны. Улема, эйстэнек эрванть кургсто, путозь вийтнень лангс апак вано, чинь перть ве апаро вал ды лиси, эли кивчкади берянь мель. Те корты седе: минек седейтнесэ ламо кежть.

Ды бути икеленек весементь теевлинек вадрясто – икелень чумодонтъ аламошка ды яла кадоволь. Кода эно олякстовомс сондензэ? Ды лията кевкстемась: зяро пежетть теема ломанентень, штобу пазось кардавлимизь? Кемень эли сядо? Вейкеськак саты.

Теде башка, васенце ломантне – Адам ды Ева – совасть пежетьс Едемень садсо, Пазонтъ эзизь кунсоло. Се шкастонть саезь сынъ велявтсть пежетевекс. Вана мекс натой эйдтнеяк сеетьстэ тетяст-аваст эйсэ а кунсолокшныть ды натой сёвныть мартогост.

Кода бу а бажавлинек паронь тееме, эсь тевтнесэ-бажамотнесэ раесь тенек а сасави. Пазось видечинь явиця, Сонензэ наказама ломаненть пежетензэ кисэ.

Но Пазось вечки ломанть. Минек таркас Сон наказызе Эсь вейкине Цёранзо, минек пежетнень путынзе Сонзэ лангс. Иисус Христос кулось монь ды тонь пежетнень кисэ. Сон саизе минек наказамонтъ. Ван-такая, кода Иисус вечктянзат, натой максызе тонь кисэ Эсь эрямонзо!

Ловноманть туртов: Римлянтэнень Кучомась
(3:10-18, 23).

Кевкстематне: 1. Савкшнось теть берянь теемс?
2. Зяроксть совама пежетьс, штобу понгомс райс?
3. Мезе теть теevi, штобу улевлить идезь?

Озкось: Вечкевикс Менель Тетянок! Весе минь Тонь икеле ваинек пежетьс. Но Тон кучик Эсь Цёрат куломо минек пежетнень кис. Пасиба теть сень кисэ, мекс тенек райстэ анокстыть тарка. Аминь.

17. ИНЯЗОРОНЬ ЭЙКАКШТ

Лиясто кортнетяно: христианось – те Пазонь эйкакш. Ёвты-арась те, минь ней уш а тетянь-авань эйкакшт? Нама, эйкакшост. Пазось макссь тенек тетят-ават, штобу сынь мелявтовольть минек кисэ ды вечкевельть эйсэнек. Ялатеке Нишкесь мелявты кисэнек сындест пек, эдь Сон седе пек вечки эйсэнек.

Бути вечксынек Сонзэ Церанть ды кемтяно Тензэ, сестэ Пазось примасамизь Эсензэ семияс ды тейсамизь Сонсензэ эйкакшокс. Арази берянь те?

Мекс ды мезень кисэ Нишкесь теи эйсэнек Эсензэ эйкакшокс? Мезекс Сонензэ сеть эйкакштне, конат икеле вайсесь пежетьсь? Теде а содатано. Ансяк Пазонь валось корты: Пазось а визди лемдямонок Эсь эйкакшокс. Сон минек зярдоак а тулкадьсамизь. Сон вечксамизь натой сестэяк, зярдо Эйсэнзэ а кунсоллоктанато. Сонзэ арасть сехте вечкевикс эйкакшонзо, конатнень Сон кирди эсензэ вакссо. Ды бути Пазось лиясто наказакшны эйсэнек видечинь кувалма, Сон ялатеке вечксамизь, эдь минь – Сонзэ эйкакшт.

Бути Нишкесь – Менель Тетя, сестэ Иисус Христос – Нишкенть Цёразо. Лиякс ёвтамс, Лелянок, Конась вечксамизь весе седейсэ.

Святой Писаниясь секскак корты: Иисус а визди лемдямонок Эсь ялаксокс ды сазорокс. Самай текень

кувалма Сон кулоськак, штобу теемс минек Эсь бра-токс, Пазонь покш семиянь эриекс. Ды ней Иисус яви мартонок весементь, мезень тензэ максызе Менель Тетязо. Иисус максы тенек свалшкань эрямо. Весть Сон сайсамизь менель лангс ды тосо макссынзе тенек весе кенярктнэнь. Тосо ёмить пежетенек.

Минь – Инязоронь эйкакшт, секс Пазось примизь Эсь семиязонзо. Сон казимизь пародо паро телантсо, ды минь кадовтано Сонзэ марто свалшкань уцяскас.

Ловноманть туртов: Римлянтнэненъ Кучомась (8:14-17).

- Кевкстематне:*
1. Пазось арси теменек Эсь эйкакшокс секс, мекс минь партано?
 2. Вечксамизь-арась Пазось, зярдо советяно пежетьсь?
 3. Кодамо ладсо Пазось наказакшны эйсэнек а кунсолломанть кисэ? Тень теемстэ Сон вечксамизь эли а вечксамизь?
 4. Бути Пазось – Тетянок, кие сестэ тенек Сонзэ Церась – Иисус Христос?

Озксось: Вечкевикс Инепаз! Минь кенярдтано, мекс Тон теимизь Эсь эйкакшокс. Пасиба Теть, мекс истя мелявтат минек кисэ. Пасиба Теть Тонь Церат Иисус Христосонь кисэяк. Аминь.

18. КОСО УЛЬНЕСЬ ИИСУС ЧАЧОМАДО ИКЕЛЕ ?

Роштовань праздникстэ минь морсетяно ды ёвтне-
тяно Иисус Христосонь чачомадо. Мельспаросо кун-
солотано седе, кода ангелтнэ пачтизь стадань ваны-
цятненень те кенярксов кулянтъ.

Содылить-арась седе – Иисус Христос эрясь Эсь
чачома чидензэ икелеяк? Сон ульнесь Эсь Менель
Тетянзо кедьсэ. Иисус свал эрясь менель лангсо, эдь
Сон Сонськак Вере Паз.

Васня Нишкесь теизе весе моданть-масторонть,
мейле нолдынзе светэнтъ лангс васенце ломантнень,
Адам марто Евань. Ансяк Адам ды Ева эзь кунсо-
локшно Вере Пазонтъ. Иисусонь арасель мелезэ, што-
бу минь улелинек наказазь, секс Сон валгсь мода
лангс ды приминзе минек пежетнень.

Ды, okayники, сась се чись, зярдэ Иисус чачсь мода
лангсо. Неяви-арась тетъ се, кода Иисус пек вечки-
лимизь, натой Сонсь аноколь чачомс Эйкакшокс ды
эрямс ломань ютксо?

Секскак кемть: Иисус вечкилинзеть натой сестэ,
зярдо тон эзить чачнеяк. Сон нейгак вечктянзат.
Иисус карми вечкеметь сестэяк, зярдэ тон кулат. Бути
весе седейсэ кармат служамо Иисуснэнь, свал кармат
эрямо менель лангсо.

Ловноманть туртов: Иоаннонь пельде Евангелиясь
(14:1-12).

- Кевкстематне:*
1. Содат-арась, зяро иеде теде икеле
чачсь Иисус?
 2. Косо ульнесь Иисус се шканть самс,
зярдо чачсь Пазось?
 3. Мекс Иисус кадызе менелентъ ды
валгсь моданок лангс?
 4. Кода арсят: вечктянзат-арась Ии-
сус?
 5. Вечксак-арась Иисусонь?

Озксось: Вечкевикс Иисус! Пасиба Теть сень кисэ,
мекс Тон кадык менелентъ ды валгить мода-
нок лангс. Пасиба Теть сень кисэ, мекс Тон
кулыть минек кисэ. Лездак тенек эрямс Тонь
славанть лезэс. Аминь.

19. МЕЙСЭ ЯВОВСЬ ИИСУС – ЭЙДЕСЬ ЛИЯ ЭЙДТНЕДЕ

Содак, Иисусонь чачомазо пек дивавтыця. Аван-стэнь мерильть Мария. Иосиф жо, Мариянь мирдесь, эзь ульне Иисусонь тетякс. Иисусонь тетякс ульнесь аволь ломань, кода весе лия эйкакштнень, Сонзэ Тетязо – Вере Пазось.

Мезекс те эряви – Иисусонь тетякс ульнесь Вере Пазось? Мезе лисевель, бути Иисусонь тетякс улель Иосиф? Сестэ Иисус чачоволь истямо жо ломанекс, кодатгано минсь. Бути Иисусонь истямо жо седеезэ, кодат минек седейтне, Сон бу а куловоль эсензэ грехтнеде. Иисус кулось аволь эсензэ пежетнень кувалма, Сонзэ грехензэ арасельть.

Иисусонь чачомасо ламо дивамот. Мода лангонь тетязо арасель, ды секс минь кортатано: Иисус чачсь дева Мариянь пельде. Истя кияк эзь чачно. Весе лия эйкакштнень улить тетяст. Иисуснэнь мода лангонь тетязь эзь эрявкшно, эдь Сонсь Вере Пазось Тетязо.

Весть кода-бути ломанесь ваннось коткудавтнень мельга. Стясь коткудавонь пизэ вакс ды ваны. Ломанесь арсесь: „Мезе теевлинь, бути маштовлинь кодкудавтнень марто кортнеме? Пижакадовлинь – сынь ялатеке а чарькодьсамизь. Серма тенст сёрмадовлинь – сон тенст а ловнови“. Ды сон сась истямо

мельс: „Бути ули мелем, штобу коткудавтне чарько-девлимизь, сестэ эстеня велявтома коткудавок“.

Мейле те ломанесь арсезевсь: „Истя тейсь Пазось-как. Сон аволь ансяк сась мельс варштамс лангозонок верде, менельстэ. Сон решизе теевемс ломанекс. Истямо ладсо Пазонтень печтявсь тенек Эсь вечкемазо. Самай секс Иисус чачсь вишка эйкакшокс ды теевсь Ломанекс. Истя сонензэ печтявсь тенек Пазонтень вечкемазо. Текень кисэ Сон кулоськак кисэнек“.

Ловноманть туртов: Марконь пельде Евангелиясь (1:18-25).

- Кевкстематне:*
1. Кие Иисусонь авазо?
 2. Кие Иисусонь Тетязо?
 3. Кие те истямо Иосифесь?
 4. Мезе лисевель минек марто, бути Иисусонь тетякс улель Иосиф?

Озксось: Вечкевикс Менель Тетянок! Кода вадря, Иисус Тонь Цёрат! Пасиба Теть ёвтатано сень кисэ, мекс Сонзэ арасельть пежетензэ, ды Сон кулось минек пежетнень кисэ. Минь истя жо сюконятано Тонь икеле, мекс Тон теимизь Эсеть эйкакшокс. Аминь.

20. ЧУДАТНЕ, КОНАТНЕНЬ ТЕИНЗЕ ИИСУС

Паряк, тонгак содат кой-кона чудань тевтнеде, конатнень мода лангс нолдынзе Иисус. Примеркс, кода весть Иисус венчсэ уize покш эрькенть? Друк кепетесь виев варма. Тонавтницянзо вейкень пес соракадсть, Иисус жо удось. Сынь кармасть эсь Тонавтыцянтъ стявтомо, седе кортазь: „Арази Тон а неят, венчесь, секень вант, сявори ды весе минь ваятано. Мекс Тон а лездат лисемс те зыянстонть?“

Эсь тонавтницятнень акемемаст неезь, Иисус нускамадсь. Ды ялатеке Сон мерсь вармантень лоткамс пувамодо ды оймамс волнатненень. Вармасть сеске энгамсь ды волнатнеяк мадсть.

Лия шкасто Иисус тейсь седеяк покш чуда. Лазарь ялгазо стакасто ормалгадсь ды апак учо кулось. Роднятне калмизь сонзэ. Ютасть ниле чить, кода Лазарь калмсо. Иисуснэнь жалть марявсть калмазентъ сазоронзо – сон ульнесь сынст вейкине лелякс. Калмонтъ ваксс сазь, Иисус виев вайгельсэ тердизе Лазарень. Ды вана тетъ: калмсто лиссь живой Лазарь! Иисус вельмевтизе кулозьстэ!

А вана таго чуда! Весть Иисусонь перька пурнавсть вете тыщадо ламо ломанть. Цела чи сынъ кунсолость Иисусонь осксонзо. Чопоньбелев весень вачомсть пекст, но кшинь рамамс арасельть ярмакост. Вейке це-

рыненть ульнестъ вете сюкоронзо ды кавто калнэнзэ. Иисус ознось-тейсь ды тонавтницятненень энялдсь весе те ярсамканть явшемс перьканзо пуромозтненень. Весе пешкедсть ды натой ярсамкаськак кадовсь.

Весть Иисус вельмевтсь кулозь ве тейтерькине. Содатадо, кода тетянзо-аванзо кеняркшность?!

Иисус тейсь ламо чудань тевть. Ломантненень те а тееви. Чудатне изнявкшныть ансяк Пазонтень. Ве врачнень минутань перть сэредицясь а стявтови. Чудатне, конатнень теинзе Иисус, кемевтиль: Сон Пазонь Цёра.

Седе мейле, зярдо Иисус кузь менель лангс, Сон Эсь чудань тейнеманть алтызе Эсь тонавтницятненень. Самай секс Петр апостолонтень шумбралгавтовсь таркасто а стякшныця сэредиця ломанесь. Сон стявтызе церанть Иисус Христосонь лемсэ.

Теде мейле Петр апостолонтъ озавтызь тюрьмас ды эзьт мерне тензэ лецтнемс Христосонь лементъ. Ветъ Пазось кучизе Эсь ангелэнзэ, ды тона олякстомтызе Петрань кандалатнестэ ды ливтизе тюрьмасто. Арази те а чуда?

Кой-кона ломантне а кемить Иисусонь диватнес. Сынь кортыть, Иисус, келя, кодаткак чудат а тейни, те ансяк волшебникень ёжов налксемат. Иисус аволь волшебник, Сон – Паз. Секскак натой кулозтненень Сон максни эрямот. Паряк, кевкстят: „Эрсить-а эрсить истят чудат неень шкастояк?“ Эрсить, нама! Иисус тень алтызе Эсь валсонзо. Лиясто врачтнеяк сэредицянтень а лездыть, ансяк Иисусонь озкстнэ лездыть те тевсэнтъ. Иисус нетъ ломантнень иди врачт-

нень вельдеак, зярдо минь ознотано Пазонтень ды учотано Сонзэ пельде чудань тевть. Кемтяно, Сон тейсы сень, мезесь эстенек а тееви.

Свал-аволь Пазось лездакшны чудасо, бути вештяно Кедьстэнзэ лескс? Аволь свал. Лиясто Сон а максни сень, мезеньт вештяно Кедьстэнзэ. Сон максни ансяк сень, мезесь тенек эряви. Секскак кемедэ Сонензэ.

Ловноманть туртов: Марконь пельде Евангелиясь (6:32-44).

- Кевкстематне:*
1. Чудань тевесь конатась?
 2. Ёвтнек Иисус Христосонь вейкешка чудань тевдензэ.
 3. Кие те истямо фокусникесь? Топавтовить-арась тензэ чудатне?
 4. Лецтяк эсь эрямостот кодамоак чудань тев, конань теизе теть Вере Пазось озномадот мейле.

Озксось: Вечкевикс Инепазонк! Евтатано Теть пасибат сеть чудань теветь кисэ, конатнень Тон теить мода лангсо улемстэть. Пасиба Теть истя жо сень кисэ, мекс Тон течияк марясыть озноманок ды тейнят чудань тевть. Лездак тенек, зярдо ознотано Тонь лесксэнтень кемезь. Аминь.

21. ИИСУС ХРИСТОСОНЬ КУЛОМАСЬ

Ней минь ушодтано ёвтнеме сех страшной, теке марто минек эрямонь историясо сех покш тевде.

Помнят, кода васенце ломантне Адам ды Ева сускизь сеземс а меревиця умаренть? Сестэ пежетесь совась ломанень седейс ды ломантне лоткасть кун-соломо Пазонтъ. Седе мейле сынъ эзьт лиснекшне стака эрямосто, ормалгалестъ-кулсестъ, ярсамскак тенст ульнесь саемс а косто – вийтеме-моцьтеме мень роботат?

Лиссь седеак покш зыян: Пазось явовсь неть ломантнеде, мерсь тенст эрямс Эйтэнзэ ве ено.

Иля стувтне, Пазось вечкилинзе Адамонь ды Евань, кода минек тонь марто. Эдь миньгак грехс ваинек, минекак эряви наказамс, секс минек кис максызе Эсь Цёранзо Иисус Христосонь.

Эйтэнек кияк а куловоль лиятнень грехест кисэ, вана мекс весе минь пежетень кантницят. Но Иисус, Пазонь Цёрась, грехтемель, ансяк Сонзэ ульнестъ виензэ-праванзо куломс лиятнень пежетест кисэ.

Ломантне, конат эзьт вечке Христосонь, чавизь Сонзэ крест лангс. Тосо Сон кулоськак. А онкставикс сзретькст-майсемат савсь цидярдомс Иисуснень, зярдо римской ушмантнэ чавность Сонзэ кедтнень ды пильгтнень эчке эксэ. Но вадрьяль-аволь Христоснэнь аштемс крест лангс понгавтозекс, зярдо Тетязо алам-

нес каднызе? Иисус эсь олясо саизе куломанть, кияк Сонзэ теньс эзизе кармавто. Сон бажась, штобу минек, законь колсицятнень ютксто, киньгак аволизь наказа.

Ней Пазось простясынзе пежететь. Эрвась, кие кеми Сонензэ, Нишкенть пельде получи свалшкань эрямо. Тень кисэ ёвтыть-арась Тензэ пасиба?

Ловноманть туртов: Исаия (53:1-12).

Кевкстематне: 1. Мезе теевсь Адам ды Ева марто седе мейле, зярдо сынъ эзь карма кунсолосо Пазонть? Авольть улеяк пежетне, чачвольть-арась ломантнень ютксо аладямот?

2. Можна-арась саемс лиятнень грехест кисэ наказомтнень, бути неть ломантнень пек вечксынек?

3. Мекс сынъ а саевить?

Озксось: Менель Тетянок! Нетяно, эйкакштнень туртовгак эряви Идицанть лесксээ, эдь сынъ сеетьстэ эрсить а кунсолыцят. Пасиба Теть, Иисус, сень кисэ, мекс Тон кулыть минек кисэ. Лездак тенек вечкемс Тонъ весе седейсэ. Минь вештяно тень Иисус Христосонь лемсэ. Аминь.

22. ИИСУСОНЬ ВЕЛЬМЕМАЗО

Петра, Иаков, Иоанн ды лия тонавтницятне пек ризнэсть Иисусонь куломанзо кувалма. Сынъ кемсть, Сон карми Израилень Инязорокс. Эдь Сон тейсь истя ламо ломантненень – весе натой а лецтявияк. Самай секс дивазевсть, зярдо несть: Иисус тунь эзь моле сетнень каршо, кить чавизь Сонзэ крестс. Сынст оймет-нес прасть кавтолдомат: паряк, Христос овсе а Пазонь Цёра? Паряк, Сон ансяк паро ломань?

Колмо чинь перть Христосонь тонавтницянзо яксест ошка. Колмо иень перть сынъ истя тонадсть Иисуснэнь, натой эзь сода, мезе теемс Сонстемензэ. Недлянь васенце чистэнтъ, ней сонзэ лемдинек вельмема чикс, тонавтницятнень ютксто кой-конатне мольсть се тарканть ваксс, козонь калмазель Иисус. Ды сельместкак тетъкизь: тонась чаволь. Тосо, ков а вельть умок путозель Уловозо, Сон арасель. Кияк, паряк, салызе эли лия таркас путизь? Истя кортнезь-басязь, эзь фатяк, кода икелест лиссть кавто ангелт ды мерсть тенст: Иисус вельмесь кулозьстэ, Пазось Сонзэ живойгавтызе. Курок Сон сы сынест ды карми маргост кортнеме. Нама, тонавтницятне пек дивазевсть. Но курок Иисус алкукскас сась Эсь учениктнень. Чама лангс Сон истямоль жо, кодамоль икеле. Кенкштеме совавиль комнатанть. Истя бойкасто лисильгак тосто.

Нишкесь алтась эсь эйкакштненень: сынсткак кулозьстэ вельмевтьсынзе. Паряк, тон кевкстят: „Арази те тееви?“ Пазонтень весемесь топавтови. Бути Сон вельмевтизе Иисусонь, Сонензэ одс вельмевтевить тонавтницянзояк. Иисус Христоснэнь кемицятненень Пазось максы певтеме эрямо.

Ломантнень ютксто ламотне кевкстнить: „Косто содатадо, Иисус алкукс вельмесь кулозьстэ?“ Те неяви тонавтницянзо чачосто. Зярдо Иисус кулось, сынъ пек ризнэсть-мелявтсть. Ней жо, зярдо неизъ Сонзэ живоекс, тунь полавтовсть: кенярдсть-веселгалестъ, теевсть апелицякс. Тонавтницятнень эйтэ ламотне маштозельть, эдь сынъ весенень ды эрва косо ёвтнестъ, кода Иисус вельмесь кулозьстэ. Бути те улевель авидекс, сынъ аволизъ максо тень кисэ эсь эрямост.

Иисусонь куломадо мейле колмо чинь ютазь Сонзэ кавто тонавтницятне мольсть Иерусалимстэ шабра велев. Нама, сынъ кортнестъ Иисусто ды Сонзэ куломадо. Мекс кулось Сон? Эдь кемсть, Иисус карми эрямо свал ды тееви сынст Инязорокс. Кортнема шкастост педясь эйзэст колмоце Молиця. Сон явсь мель кортнемантень ды кевкстсь, мекс сынъ истят нусманят. Седей марязь, мекс сынъ мелявтыть, Сон кевкстинзе: „Арази а содатадо, Пазонь Валсонть ёвтазь, Христос васня юты майсемань пачк, мейле кулы. Эдь Сон Сонсь неизе Эсь куломанзо“. Ды кезэрень про-роктнень валсосткак лецтязель: Сон пачтысь тенст: Иисусонь куломазо аволь стакаль. Пазось секень кис кучизеяк Эсь Церанзо, штобу Сон куловоль крест

лангсо весе мода лангонь пежетнень кис. Христос а куловоль – пежетне авольть уле простязь.

Окойники, колмонест пачкодсть велентень. Тонавтницятне тердизь Асодавиксэнтъ кудос, энялдсть Икелензэ, штобу Сон кадоволь удомо сынст марто, эдь ульнесь уш талай ве. Асодавикс ломанесь кадовсь. Зярдо озасть столь экшс ужинамо, тонавтницятне ломаньсэнтъ содызь Эсь Учителест! Лисни, те ульнесь Сонсь Иисус Христос, Кона истя шождасто толковизе Эсь куломанзо. Зярс тонат дивсестъ-охаестъ, Иисус ёмась.

Кода кенярдсть Христосонь вельмемантень! Ней уш сынъ эзь ризнэ-мелявто, эдь Тонавтыцяст жив! Иерусалимев сазь, сынъ теде ёвтнестъ лия тонавтницятнененьгак.

Ловноманть туртов: Иоаннонь пельде Евангелиясь (20:1-18); Лукань пельде Евангелиясь (24:13-32).

Кевкстематне: 1. Мекс тонавтницятне пек дивазевсть, зярдо неизъ чаво калмонть?
2. Мезе лиссь Иисус марто?
3. Мейсэ Иисусонь рунгозо Сонзэ вельмемадо мейле явовсь монь ды тонь рунгтнень эйтэ?

Озксось: Вечкевикс Менель Тетянок! Пасиба Теть сень кисэ, мекс Тон вельмевтик Иисус Христосонь. Сюконятано Тонь икеле сень кисэяк:

минь свал карматано эрямо Иисус марто. Лездак тенек седе сеетьстэ лецтнемс Тонь вечкемадонть ды покшчидеть. Тень вештяно Иисус Христосонь лемензэ вельде. Аминь.

23. ИИСУС МЕКЕВ ТУИ ЭСЕНЗЭ ТЕТЯНСТЭНЬ

Савкшнось-арась тонеть ковгак тукшномс зярыя чис тетять-авать эйстэ? Паряк, тон ульнить эсеть роднят эли бабать кедьсэ. Помнят, кода тон кеняркшнить кудов велявтомантень? Колоньгемень колмо иеть Иисус ульнесь те масторонть лангсо. Содат, кода бажась Сон велявтомс кудов, Эсензэ Тетянстэнь ды ангелтнэненъ? Но вана сась шка, зярдэ Сон мекев велявтсь менелев.

Сон саинзе Эсензэ тонавтнициятнень ды кепететьс мартоост пандо пряс. Ды зярдэ Сон эште кортась Эсь тонавтнициянзо марто, покш пелесь вельтизе Сонзэ ды ёмась Мартонзо тонавтнициятнень вановтоост икельде.

Иисус куйсь менельс ды саизе Пазонь престолонть. Нама, менелесь миненек а неяви. Но весе сеть, кить кемить Иисуснэнь ды важдить Сонзэ лангс, кармить эрямо Иисус марто вейсэ.

Миллионт ангелт учость Эйсэнзэ ды морасть ма- зый гимнат. Сынъ пек вечксть Иисусонь, мастор лан-

гонь весе ломантненень кантнесь Сонзэ вечкемадо славанть. Сон кадызе Эсь славанзо ды теевсь Лома- некс, штобу идемс тонь ды монь. Ней Сон велявтсь кудов! Сонсь Тетя Пазось шумбракстнесь Мартонзо, Сонзэ мекев самонтень кеняркшнозь. Иисус Христос истя жо энялды Вере Пазонть икеле минек кис. Но Иисус эште весть кадсы менелеть, штобу сетнень, кие Сонзэ лемс важди, саемс Эстензэ.

Ловноманть туртов: Апостолтнэнь Тевест (1:9-14).

- Кевкстематне:*
1. Зяро шка Иисус ульнесь те масторонть лангсо?
 2. Евтник, кода Иисус кадынзе Эсензэ тонавтнициянзо, штобу велявтомс Эсензэ Менель Тетянстэнь?
 3. Мезе, койсэть, тейсть ангелтнэ Иисусонь менелев велявтомсто?
 4. Косо Иисус неень шкасто?
 5. Мезе теи Иисус менельсэ?

Озксось: Иисус Христос, Тон ней менельсат ды неят эйсэнек, маряк минек озксонть. Ёвтатано Теть сюкпря сень кисэ, мекс истя виевстэ вечкат эйсэнек ды минь карматано эрямо Тонь марто пингедэ-пингес. Лездак тенек эрямс эсь олят коряс. Аминь.

24. ИИСУС СЫ ЭШТЕ ВЕСТЬ

Иисус сы эште весть. Минь а содатано, кода те тееви, но содатано вейкеде: Эсензэ само шкастонть Сон сайсынзе эйкакшонзо Эстензэ. Те карми улеме пек паро ие! Окойники миненек неяви Иисус Христос Пазонок. Сон эзизе ёвта тенек само чинзэ, штобу минь свал учовлинек Сонзэ. Сон истя жо бажи, штобу минь свал парсте эрявлинек. Бути Иисус ёвтавлize тенек само чинть, паряк, эрва чистэ минь аволинек путо зняро вийть Сонзэ мельтнень топавтомга. Минь весементь кадовлинек меельце чис.

Ды бути минь, окойники, эрявлинек Пазонть мелензэ ванозь, паряк, уш те пек позда лисевель.

Секс Иисус Христос тенек эзизе ёвтаяк, зярдю Сон сы.

Минь истя жо аламо содатано седе, кода Сон сы. Ды ялатеке Пазонть Валсонзо сатышкасто ёвтазь Христосонь самодо. Библиясто ловнотано, Иисус сы, штобу саемс минек Эстензэ. Тосо истя жо евтазь седе: Сон теи од мода-мастор ды од менель. Те масторось ды се весемесь, мезенть минь нетяно, весть лоткить эрямодо. Пазось весе мирэнтъ откстомтсы. Сестэ уш а улить а пелемат, а пежетть. А эряви натой снартнемс нееме, кода весе полавтови Христосонь самсто. Ней, койсэнек, эряви эрямс истя, штобу улемс анокок Сонзэ самонтень.

Ули-арась мелеть неемс Иисус Христосонь? Тон комавт пря Сонзэ икеле ды сюконяк Сенень, Кие Эсь эрямонзо максызе тонь идеманть кисэ. Сон сы эрва кодамо шкасто ды сайтязат Эстензэ.

Ловноманть туртов: Фессалоникиецтнэненъ Кучо-мась (4:13-18, 5:1-6).

Кевкстематне: 1. Зярдю Иисус сы эште весть?
2. Мекс миненек эряви содамс, Иисус Христос сы хоть кодамо шкане?

Озксось: Ёвтатано Теть сюкпря, Инешкипаз, сень кис, мекс Тон эште весть сат те мода-масторонть лангс. Лездак тенек эрва чистэ арсемс Тондеть ды анокстамс эсь прят Тонь самонтень. Аминь.

25. СВЯТОЙ ДУХОСЬ

Минь уш лецтнинек седе: Пазось ансяк вейке, но Сон колмо чачосто. Святой Духось неть Личностнень ютксо ашти васенцекс. Минь мертяно Тензэ Святой Духонь Паз. Сондензэ башка лецтнетяно Тетя Паздо ды Цера Паздо.

Святой Духось эрясь свал. Вселенноенть тейсть весе колмонест Личностне.

Куломадонзо цють седе икеле Иисус Эсь тонавтницяно туртов мерсь, келя, Сон туи Эсь Менель Тетянстэнь. Алгась кучомс тенст Святой Духонть. Кемень чинь югазь, алкуксак, Святой Духсо пештявсть весе тонавтницяно оймest. Весть, зярдю ученикензэ ульнесть вейсэ осксонь ловнома шкасто, кепететсь шум, кода виев вармане. Тонавтницятне дивсезь вансть вейке-вейкест лангс ды эсь прят вельксстэ несть толбаргонь кондямо. Те ульнесь Святой Духось, кона кучозель Иисус Христосонь пельде. Толбаргось курок ёмась, но Святой Духось кадовсь тонавтницятнень седейс. Эрьвась эйстэст друк кортазевсь лия кельсэ. Лиятне натой кулозьстэ вельмевтезельть. Святой Духось теинзе Пазнэнь кемицятнень уцяскавокс ды макссь тенст вий морамс натой сестэ, зярдю сынст пансесть-чавсть Христоснэнь кемемаст кис.

Эрьвась, кие примасы Иисус Христосонь, ули ка-

зезь Святой Духсо. Сон ашти тонь седейсэяк, бути тееват алкуксонь христианокс. Весе паро превтне ды мельтне лисить ансяк Сонзэ эйстэ. Святой Духось лезды тонеть кемемс Инешкипазонть лангс ды улемс Сонзэ кунсольцякс. Сон лезды тонеть истя жо улемс кенярксовокс ды аманчицякс. Секс эсь седейсэть маряви теть вечкема. Кеняркс ды часия. Тонь седейсэ Сонзэ эрямо тарказо.

Святой Духось эри аволь ансяк христиантнэнь седейсэ, но ве шкасто эрьва косо. Нама, аволь свал содат, кода тонеть кортамс Вере Пазонть марто койкона тевтнеде, тесэ теть лездемо сы Святой Духось ды витнесынзе весе минек лавшо оскстнэнь. Ансяк секс, мекс Сон Сонсь Паз. Сон марясы валот ды максы ответ озкстнэнь лангс. Арази те аволь дивань тев: Сонсь Пазось лезды теть озномсто?

Святой Духось максы лескс аволь ансяк тонеть, Сон лезды сеть ломантнененьгак, конат эште аволь христиант ды эйзэст совавты Пазонь вечкема. Сон лезды тенст чарькодемс, мезе тейсь Иисус.

Святой Духось истя жо лезды теть ловномсто педепев чарькодемс Пазонь Валонть. Бути тонеть ламось а чарькодеви, ознок ды энялдт, штобу Сон тонеть Тень панжовлизе.

Ловноманть туртов: Иоаннонь пельде Евангелиясь (16:7-15).

Кевкстематне: 1. Кие те Святой Духось?
2. Косо сон эри?

3. Ёвтак зярыя тевть, конатнень Сон теи?

4. Карматано-арась мешамо, зярд Святой Духось лезды тенек?

Озксось: Вечкевикс Пазонек, минь ёвтатано Теть сюкпря сень кис, мекс Тон кучик Святой Духонть миненек лездамо ладямс эрямонок истя, штобу Святой Духось соваволь седейзэнек. Аминь.

26. МЕРЕВИ-АРАСЬ ХРИСТИАНТНЭНЕНЬ ТЕЕМС А ВИДЕСТЭ?

Содатано, минь зярдояк а ультяно истят парт, штобу саемс эстенек пингедэ пингень эрямонть. Ансяк Иисусонь куломанть ды мекев вельмеманзо вельде ультяно идезь. Корты-арась те седе: прянок можна ветямс эрва кода? Ней ванносынек вана мезенть: минь теевинек христианокс седе мейле, зярдэ энялдынек Христоснэнь кармакс минек Идицякс; арази теде мейле карматано пежетень нолтнеме?

Зярдэ Инешкипазось сови седейзэнек, Сон бажи лездамкс тенек теевемс вадрякс. Апак учо сы кевкстема: мекс эно, весе тень лангс апак вано, сеетьстэ нолтнемяно ильветькст?

Тень теи идемевсесь. Сон пек нардев, сех виев ангелгнэяк лавшот идемевсенть коряс. Сон соды, кода маньямс минек ды совавтомс мештезэнек кежев мельть. Зярдэ понгтано менель лангс, Пазось максы тенек од седейть – истят, конатнесэ зярдояк а карми улеме кеж.

Но зярс минь ультяно мастор лангсо, миненек тейневить пежетть. Кода ансяк Инешкипазось сови седейзэнек, Сон ушоды лездамо миненек бороцямс пежетнень марто. Но миненек эряви свал энялдомс Иисуснэнь, штобу Сон саевлизе эрямонок Эсензэ кедьс ды паневлизе идемевсенть.

Кода те карми улеме вадря, зярдэ получатано од седейть! Мезеськак сестэ а кармавтсамизь берянень тееме эли кежень савтнеме.

Зярдояк иля стувтне, Иисус Христос идемевсенть эйстэ пек виев, ды идемевсесь Эйстэнзэ пек пели. Зярдэ минь тердтяно Вере Пазонть лездамо, идемевсентень савкшны потамс удалов.

Ловноманть туртов: Римлянтнэнень Кучомась (6:1-10).

Кевкстематне: 1. Мезе бажи тееме идемевсесь?
2. Тон идемевстенть виеват?
3. Кие идемевстенть седе виев?
4. Мезе теема тенек, штобу идемевсесь пежетьс а таргавлимизь?

Озксось: Вечкевикс Иисус Христос, сюкпря Теть сень

кисэ, мекс Тон весемеде, мик идемевстеяк, виеват. Лездак тенек вантомс минек седейтень ваньксчисэ Тонь туртов. Аминь.

27. КИЕ АШТИ ОЗАДО ТОНЬ СЕДЕЕНТЬ ТРОНСО?

Содат-арась тон, мезе истямо тронось? Те мазыйдемазый кресла, конань лангсо ашти озадо Инязорось ды косто Сон вети эсь масторонть.

Содат-арась, тонь седейсэ истя жо ули трон ды сонзэ лангсо кие-бути ашти? Кеман, аволь тонсь аштят сонзэ лангсо. Минек седейсэяк ули алкуксонь Инязор, кона корты Пазонь эйкакштненень, кода эряви тенст видестэ ветямс пряст. Те Инязорось – Христос.

Но улить эште эрицят, конатне мельспаросо бу аштевельть те трононть лангсо ды максневельть минек туртов кармавтомат. Вейкесь эйстэст – идемевсесь, омбоцесь – минек „монсесь“. Свал, зярдо Иисус веши тонь пельде мезеяк эрявикс, ды тень таркас теят мезе-бути лия, сестэ те шкастонть аволь Христос ашти трононть лангсо. Те корты седе: тон паник Инешкипазонть трононть лангсто, кона ульнесь Сонзэ. Тонсь сыть мельс велявтомс Инязорокс. Зярдо истя теят, идемевсесь ансяк пеетькшни. Сон соды: бути тосо а ашти Пазось, Сон кармаванзат тонь эрва кодамо

берянь тевень тееме. Идемевсесь тень шождасто топавтсы, зярдо Вере Пазось а ашти тронсонть ды а вети тонь тевтень.

Зярдо аштят седееть тронсонть ды улят эсеть эрямонь инязорокс, идемевсесь апак пеле яки седееть кудова ды тосо весементь велявтни прянзо лангс. Соды, сон тондеть виев, эдь секс пейди лангсот, ды инязорось сон, аволь тон, ды секс теи мезе мелезэ.

Но бути трононть лангсо ашти Инешкипазось, сестэ идемевсесь бажи мезеньгак беряненъ тееме. Сон кекшни се шкас, зярс тонсь одов а саят мель озамс трононть лангс.

Минек Инешкипазось коронь кирдиця, милостивой ды инеде ине. Но Сон карми аштеме трононть лангсо се шкасто, бути тон Сонензэ тень коряс энялдат. Ды, кода христианин, тонеть эряви свал макснемс Сонзэ туртов трононть. Пазось лезды тетъ теньсэ, бути тон энялдат Сонензэ. Святой Духось свал карми тетъ теде лецтнеме.

Кие тонь эрямонь инязорось? Кие ашти седееть тронсо? Озадо тонсь аштят сонзэ лангсо ды идемевсенть нолтнят кармавтомань макснеме, эли сонзэ лангсо ашти Инешкипазось?

Ловноманть туртов: Римлянтэнень Кучомась
(6:14-23).

Кевкстематне: 1. Кие бажи аштеме седееть трононть лангсо?

2. Мезе теи идемевсесь, бути минсь трононтъ лангсотано?

3. Мезе теи идемевсесь, бути трононтъ лангсо ашти Инешкипазось?

Озкось: Весемеде виев Паз, Менель Тетянок! Миненек эряви Тонь лесксыть, ды энялдитано Иисус Христоснэнь, штобу Сон саевлизе минек седеень трононтъ ды мешаволь идемевсентень пежетъс минек ваявтомсто. Сюкпря Теть сень кисэ, мекс Иисус идемевстентъ виев. Аминь.

28. ИНЯЗОРОНТЕНЬ СВАЛ КАДОВОМА ТОНЬ ТРОНОНТЬ ЛАНГС

Помнясак, минь уш кортынек седейсэть аштиця трондонть? Содасак эште, кодат колмо инязорт бажить сонзэ лангс стямо? Вейкесь эйтэст алкуксонь Инязор – Иисус Христос, кавто лиятне – те идемевсесь ды эсеть „монсесь“. Кода ансяк тон эсеть кедь алов сайсак трононтъ ды теят истя, кода мелеть, идемевсесь эци седееть потс ды теи истя – весемесь туи тышумбар. Но бути тонь седееть тронсо ашти Иисус Христос, идемевсентень эряви кекшемс. Сестэ тонеть эряви кенярдомс ды сюконаямс. Иисус эрьгедекшны

(кенярды) весементень, мезе тонсь теят, мезе теить тетят-аваткак. Зярс Инешкипазось вети тонь седеентень, весе теветь сыргить парсте-валанясто, но кодак ансяк ушодат тееме тонсетъ коряс, весе туи а истя, кода эряви.

Аволь превтемекс, натъ, уल्याно седе мейле, мезе Инешкипазось миненек теись, энялдомс, штобу Сон максоволь эстенек оля макснемс кармавтомат эсенек эрямосонтъ? Нама, превтемекс, ды ялатеке минь тень теитяно.

Кода бажамс сенень, штобу ансяк Иисус аштевель тронсонть ды ветяволь Инязоронь тевтнень? Снартнек парсте содамс Инешкипазонть, сестэ кармат вечкемензэ Сонзэ весе оймесэть ды бажамо, штобу ансяк Сон ськамонзо ветяволь седееть.

Ков седе парсте содасынек Инешкипазонть, тов седеяк пек вечктяно Сонзэ эйсэ, кемтяно Тензэ ды макстано эсенек эрямонок Сонзэ кедьс. Ков седе маласто содатано Сонзэ, тов седеяк виевть меленек, штобу свал ансяк Сон аштевель седеенек тронсо.

Сеетъстэ эсь эйсэнек марятано кавто вайгельть. Вейкесь корты: „Иля тее тень“, а омбоцесь: „Ды тень эйсэ арась мезеяк берянь“. Кода содамс, косо тесэ Святой Духонтъ вайгелезэ, косо – идемевсентъ? Вишка эйкакшось пек рана карми явомо аванзо вайгеленть лия вайгельтнеде, ды ков седе покшсто сон касы, тов седеяк кеместэ явсы сонзэ вайгеленть уш цела хоронь вайгельтнестэ. Истя миньгак тонадтаном Святой Духонь вайгелентень, ды Сон явови тенеке идемевсенть вайгельдензэ.

Содат, кода тень весемеде парсте теема? Бути ушодат Мартоно зортамо. Сехте парсте кармат содамо ломантнень, зярд кармат мартост зортамо. Но минь а нетяно Инешкипазонть, сестэ кода пшкадемс Тензэ? Минь кортатано Сонзэ марто озкс вельде. Миненек Сон а неяви, Сонсь мари эйсэнек свал, натой зярд кортатано пек састо ды киньгак ломантнень эйстэ а марявтано.

Ули эште вейке ки, кода теевемс Инешкипазонть малавиксэкс. Кунсолозевемс сенень, мезе Сон бажи тенек ёвтамо. Кода корты Инешкипазось мартонок? Сон корты минек марто, зярд ловнотано Библиянтъ. Минь марятано, кода Пазось корты мартонок, эдь Библиясь – те Сонзэ Валось. Миненек аволь свал чарькодеви, мезе Сон кирди сельме икеле, но миненек а эряви тень сеске чарькодемс. Бути карма тано Библиянтъ ловномо ды арсезевтяно ловнозентъ лангсо, сестэ Святой Духось, мезеяк лангс апа ваном, лезды тенек седеяк парсте содамс Инешкипазонть.

Ловноманть туртов: Римлянтнэненъ Кучомась
(12:1-3).

Кевкстематне: 1. Зяро инязорт ве шкане аштевить тонь седейсэ?
2. Мекс миненек эряви седе маласто содамс Инешкипазонть?
3. Кода седе парсте содамс Инешкипазонть?

Озксось: Вечкевикс Инешкипаз, минь бажатано седе маласто содамс Тонь, ды кенярдтано, мекс сакшновтано Теть ды озкс вельде кортневтяно Мартот. Лездак тенек эште седе парсте содамс Тонь, штобу минь кармавлинек эште седеяк вечкемс Тонь ды кемемс Теть. Аминь.

29. КАНТНЕМС УМАРТЬ

Вейке цёрынесь тетянзо марто улыцыва якамсто несь чувто ало усксевиця коське тарад нетькс.

– Тетяй, – серьгедсь сон, – варштака те тарадонть лангс! Мон сайса сонзэ кудов ды озавтса: паряк, пургондыть лопат, эли натой умартькак касыть!

– Арась, – каршо мольсь тетясь, – те тарадось коськс. Сонзэ лангсо зярдояк а кармить касомо лопат ды умарть.

– Арази мезеяк а тееви, штобу сон одс кандоволь умарть? – кевкстсь церынесь.

– А тееви, – мерсь тетязо, – сон коськс. Бути Инешкипазось максы тензэ од эрямо, сестэ тарадось одс карми касомо чувтосонть.

Минь ульнинек кулозекс, кода те тарадось, Иисус – те эрямонь чувтокс. Минь бу аволинек лезда эстенек; секс Пазось саимизь минек, коське тарадонть, вельмевтимизь кулозьстэ ды педявтымизь чувтонть.

Ней минь кандтано умарть: кеняркст, вечкема ды седей кирдемат.

Христосонь вечкемга тейнетяно паро тевть. Минь ульнинек кода те коське тарадось, но Инешкипазось казсь тенек од эрямо.

Ловноманть туртов: Иоаннонь пельде Евангелиясь (15:1-8).

Кевкстематне: 1. Кармить-арась коське тарадсонть касомо умарть?

2. Библиясь корты: пежеть мартотне – эсест пежетнеде кулозть. Мекс сынь молить коське тарад ёнов?

3. Мезе тейсь Инешкипазось, штобу идемс ломантнень?

Озксось: Менель Тетянок! Содатано, Идицясь эряви тенек пежетенек идеманть кисэ, ды ёвтатано Теть сюкпря сень кис, мекс Тон идимизь минек ды максыть тенек од эрямо Иисус Христосонь вельде. Лездак тенек кандомс паро умарть. Аминь.

30. КОДА СОДАМС, ВЕЧКСЫ-АРАСЬ ЛОМАНЕСЬ ПАЗОНТЬ?

Тон, паряк, уш истя жо арсезевкшныть сень лангсо, алкукс-аволь се эли тона ломанесь вечксы Христосонь? Те содави сонзэ апак кевксте. Ули эрямонь кой, конань максызе тенек Сонсь Иисус, сонзэ вельде несынек эсь прянок, кода вечксынек Сонзэ. Сон корты, те содави тевтнень коряс, конатнень минь тейнетяно. Ломантнеде, конат кортыть, кода вечксызь Инепазонтъ ды максыть весе виест, штобу кандомс Тензэ кеняркс, алкукс можна меремс: сынь вечксызь Христосонь. Но улить истяткак, конатне кортыть, будто вечксызь Христосонь, но а теить сень, мезе Сон учи пельдест. Неть ломантне а вечксызь Сонзэ.

Мейсэ неяви вечкемась Инешкипазонтень? Васняяк, миненек эряви тонадомс весень вечкеме ды улемс паронь арсицякс, свал кунсоломс тетянок-аванок.

Минь, примеркс, мертяно эсенек ялакстнэнень ды сазортнэнень налксемс эсенек налкшкесэ, лездамс мейсэ-бути школань ялгатненень. Тон тонськак апак кавтолдо несак, кинь мелензэ ванстомс.

Бути жо, мекевланк, а кармат лиятнень вечкеме, лисни, эсь прят вечксак Иисус Христостояк пек. Бути весе седейсэть вечкевлик Иисусонь, мештезэть вельмевель бажамо улемс Сонзэ кунсолыцякс.

Нама, тень теемс аволь шожда. Теньс эряви ламо тонавтнемс. Содат, зяро эряви яжамс превть, зярс а тонадат налксемс пианинасо эли уме? Малав истя эряви тонавтомс пряньт кунсоломояк. Миненек тонавтнема вейке-вейкенъ мельваньцякс. Бути тонъ лангс кияк пижакады, седе шожда сонзэ каршо истя жо пижакадомс. Но эряви тонадомс пижнемантъ лангс а пижнемс, кадовомс свал паронъ арсицякс. Библиясь корты, христианось явови лиятнень эйстэ ломанень вечкемасо. Секс прянь ветямосто содави, кода ломанесь вечксы Пазонть.

Бути казямо обуцянок, сестэ кода вельмевтеви лиятнесэ бажамось вечкемс Иисус Христосонь?

Ловноманть туртов: Иоаннонь Васенце Кучомазо (2:3-14).

Кевкстематне: 1. Кода содави, вечксы-арась те эли тона ломанесь Иисус Христосонь?
2. Кода ванови лиянь мелесь?
3. Эряви-арась яжамс превть, бути ули мелеть тонадомс налксемс пианинасо эли уйнемс?
4. Эряви-арась тонавтнемс, штобу те-евемс вейке-вейкенъ туртов мелень ваньцякс?
5. Кода эряви ветямс прясъ, зярдэ такые а ваны мелеть?

Озксось: Вечкевикс Инепазонк, Тон ульнить истямо

седеймариця ды минек туртов пешксе вечкемадо, натой идимизь. Ды ней ули меленек энялдомс Тетъ, штобу Тон лездавлишь миненеккак теевемс лиятнень туртов мелень ваньцякс. Кадык тонъ вечкемасъ карми неявомо эйсэнек, штобу лия ломантне истя жо кармавольть улема Тонъ эйкакшокс. Аминь.

31. МЕЗЕ ЭРСИ, ЗЯРДО ПАЗОНЬ ЭЙКАКШОСЬ СОВИ ПЕЖЕТЬС?

Мезе теема, бути ежот марясы, покордат Инешкипазонть, натой вечксад Сонзэ? Коли Иисус теэви Инешкипазокс, те тунъ а корты седе: те шкастонть саезъ а улишь стакачинек. Идемевсесь седе товгак карми эйсэнек тердеме зыянов тева. Ды кой-зярдо, бути а сатышкадо кунсолотано, те тензэ удалакшны.

Мезе тенок теема? Тень коряс Библиясь максы вана кодамо ответ: миненек эряви витькстамс Иисунэнь эсь пежетнеде, сестэ Сон простясамизь ды одс чачи кеме ояксчи Пазонть марто. Шкань-шкань Иисунэнь эряви наказамс минек, штобу икелепелев аволинек сова грехс. Примеркс, Сон отказакшны миненек сень, мезе икеле мельспаросо максоволь.

Но минъ свал молевтяно Иисунэнь ёвтамо пежетьс совамодонок ды Тензэ сукпрянь пачтямо про-

стямонок кис. Теде мейле одс марясынек минек туртов явозь Сонзэ вечкеманть. Те лисни истя жо, кода, примеркс, улевлить тетянь-авань а кунсольщякс, ды сыненст эряволь бу наказамс тонь. Те шкастонть тетят-ават эрсить нусманят, кода тонгак. Но седе мейле, зярдо весемесь сови ладс, седейтне одс пешкедить кецямосо.

Ськамонзо ломанентень а простявить пежетне. Те тееви ансяк Пазонтень. Пазось мери, штобу минь сакшновлинек Сонензэ. Миненек эсенек таркас Тензэ а кучови лия ломань чумонок марто. Сон бажи, штобу минь Сонензэ савлинек.

Ловноманть туртов: Иоаннонь Васенце Кучомазо (1:8-2:3).

- Кевкстематне:* 1. Мезе эряви теемс Пазонь эйкакшонтень, бути сон совась пежетьс?
2. Кода лиясто наказы эйсэнек Инешкипозьс?
3. Мекс Сон наказы эйсэнек?

Озксось: Менель Тетянок, минь ёвтатано пасиба Теть сень кисэ, мекс пежетенек улить простязь. Лездак тенек свал помнямс: Тон простят эйсэнек, бути мезень-бути кувалма совинек пежетьс ды энялдтано Теть простямс минек. Сьюкпря Теть те вечкеманть кисэ. Аминь.

32. МЕКС МИНЬ ЛИЯСТО ЭРЯВТАНО НАКАЗАМС?

Кода арсят, бути тетят-ават наказыть тонь эйсэ, лисни, сынь кежевьт ? Аволь, нама! Мекевланк, сынь кунсоллошныть Пазонтень, эдь Сон мерсь: весе сеть, конат а кунсольщят, кармить улеме наказазь. Пазось Библиясо корты: наказамось, нама, миненек а вечкеви, но сон лезды обуцянок полавтомантень. Эйкакштне улест тетяст-аваст кунсольщякс. Бути сынь а кунсолыть, тетятне-аватне кадык сынст наказасызь.

Наказамось лездакшны. Бути зярдоак теят берянь тев, апак фатя леди мелезэть: тон уш тень кисэ наказазят, ды те лоткавтанзат апаро тевтнеде. Наказамось истя жо лецтни миненек седе, зяроксть апаркстомтанэ эсенек Инешкипазонть акунсолломасо.

Мезе ули, бути эйкакштне, конат пряст ветить беряньстэ, а улить наказазь? Истят эйкакштне тетяст-аваст эйсэ кунсолыть ансяк сестэ, зярдо ули мелест; учительтнень сынь истя жо а кармить кунсолломо, седе тов седеяк кармить законень колсеме. Эйкакштне, конатнень зярдоак а наказакшныть, теевкшнить зьянонь теищякс, эдь сынь эрить эсь олясо ды а арсить лия ломанде.

Кода неят, тетят-ават а арсить теть берянь, зярдо эйсэть наказыть. Сынь лездыть теть мелявтомс лиятнеде ды сынст видечиде эли жо седе, мезе пельдеть

веши Пазось. Пазонть арась мелезэ, штобу тонавтнев-
лить ансяк эсь бажамотнень коряс. Наказамось лезды
теть ютнемс ламо стакачитнень вакска.

Но, васняк, пек эряви тонадомс тетятнень-ават-
нень, учительтнень ды лиятнень кунсолосо. Бути а
тонадтано теньс, а кунсолосынек Христосоньгак.
Содазь, тетятне-аватне наказыть минек эйсэ мезень-
гак кис, теньсэ сын лездыть седеяк вечкемс Иисусонь
ды улемс анококс теемс Сонзэ коряс. Тетянь-авань
кунсоломанть вельде минь тонадтано кунсолосо Па-
зонтькак.

Лисни, тетятне-аватне, конатне а наказакшныть
эсь эйкакшост, сыненст теить покш зыян. Меельце
наказамодонть, конань тон получасак тетянь эли авать
пельде, иля ацирьгале, седе паро арсезевемс: сын
лездыть сы шкасто улемс седе кунсолыцякс.

Кинь ули пирезэ, се содасы, тосо свал эряви робо-
тамс ды тарксемс зыянов тикшетнень, штобу сын
аволизь лепштя видевокстнэнь.

Минек седеесь моли пире ёнов. Секс миненек ёвта-
ма тетянок-аванок туртов зыянов тикшетнень уряда-
мост коряс.

Ловноманть туртов: Ефессянтнэнь Кучомась
(6:1-9).

Кевкстематне: 1. Мекс наказамось моли миненек ле-
зэс?
2. Мезе эрси, бути эйкакштнень а
наказакшныть?

3. Кода арсят, кунсоллови-арась тонеть
Пазось, бути тонадат улеме тетянь-
авань кунсолыцякс?

Озксось: Весемеде виев Инешкипаз, Менель Тетянок!
Минь содасынек, лиясто минек эряви наказ-
амс, бути а видестэ тейтяно. Лездак тenek
тонавтнемс ильведевкстнэнь нолтнеме. Лез-
дак истя жо улемс тenek тетянь-авань кунсо-
лыцякс ды путомс сынст ломанькс. Энялд-
тано Иисус Христосонь лемензэ лецтнезь.
Аминь.

33. ПАЗОНТЬ ПЕЛЬДЕ СЕРМА

Арсек эськат, тетят Африкасо: кортаволь сон мар-
тот? Арась, сон пек васоло; тон бу аволик нее сонзэ
или аволик маря вайгелензэяк, бути ансяк телефо-
нонь пачк. Но сень лангс апак вано, ули меленек
содамс, мезе сон, примеркс, тонь пельде бажи. Сон
сермады теть серма.

Арсек эськат, Пазось бажи мартот кортнеме.
Савольгак Сонсь, славазо теть а кирдеvely! Но Сон
кортни мартот лиякс: Сон сёрмадсь теть кувака сёр-
ма ды истямо ладсо кармат содамо, мезе теть арси
ёвтамс.

Те сермась – Библиясь. Сон ламо ёвтни Паздонть, Сонзэ тевтнеде ды седе, мезе Сон учи пельдеть. Ловнык-арась Сонзэ серманть? Зярд Пазось сёрмадсь, Сонензэ эзь эряво а карандаш, а ручка, а сёрмадыця машина. Сон истяк варчась Эстензэ ломанть, конатне алкукс Сонзэ вечкилизь, ды диктовась тенст эрва кодат сёрмат, конатне пурназь Библиянтень. Кой-зярдо, штобу тенст лездамс, Пазось кучнесь онт эли невтнесь картинат икелепелень шкадонть. Весе тень сынь сермалесть. Мейле Инепазось мелявтсь седе, штобу весе сермадозесь аволь ёма. Истя Библиясь пачкодсь минек туртов.

Шкань-шкань неть ломантне сёрмадсть седе, кода сынь вечкить Пазонть ды мезе арсить Сондензэ. Истямокс ульнесь Давид инязорось; сон сёрмадсь ламо Псалмат, конатнень ней мукшносынек Библиясто.

Лия ломантне сермадсть седе, мезе югась сынст ды ялгаст прява. Сермадомсто сынненст натой эзь содаво: те теветень макссь тенст превть Пазось.

Содатадо-арась тынь, зяро югась теде мейле, зярд сёрмадозель Библиясь? 1500 (вейке тыща ветесядт) иеде седе икеле.

Инешкипазось истямо паро ульнесь, мик кадызе тенеке те серманть. Истямо ладсо миненек ней ламо содави менельде, Иисусто ды минек Сонзэ вечкемадо.

Но мезе бу тон, примеркс, арсевлить, бути сермадовлить ялгат туртов сёрма, а сон вестькак аволизе ловно сонзэ? Арсян, пек покордавливать. Сень самай мари Пазоськак, зярд неи, тонеть кучозь Сонзэ серманть а ловнат. Секс ловнома Библиянтъ. Улема, то-

неть тосо ламось а чарькодеви, ды ялатеке кой-мезес чарькодят. Ков седе покшто касат, тов седеяк ламо кармат чарькодеме.

Бути мелеть улемс шумбракс ды виевекс, тонеть эряви ярсамс ды симемс. Ловнок Библиянтъкак, бути бажат Инепаздонть содамо.

Ловноманть туртов: Тимофейнень Омбоце Кучомась (3:14-17; 4:12).

- Кевкстематне:*
1. Кода мезеяк ёвтат ялгантень, бути маргонзо эзить корта?
 2. Кодамо ки сайсь Пазось, штобу пачкодевелъ минек туртов Сонзэ Валось?
 3. Ловнат-арась Пазонь сёрманть, конань Сон кучизе тонеть?

Озксось: Менель Тетянок! Сюкпря Теть, минек туртов кучозь сёрманть, Библиянтъ кис. Лездак тенеке топавтомс весе сень, мезде те книгась корты. Кадык сон карми валдокс кинек лангсо. Минь энъялдтано теде Иисус Христосонь лемензэ лецтнесь. Аминь.

34. КОСТО СОДАТ, БИБЛИЯСЬ ВИДЕСТЭ ЁВТНИ ?

Библиясь – мода масторонь сехте эрявикс Книга, эдь Сон ёвтни тенек Паздонть. Ёвтни тенек седе, мезе а муеви вейкеяк лия книгасто, примеркс: кода Пазось теизе масторонть ды васень ломантнень. Кияк эйстэ-нек эзь ульне тень пингстэ ды киненьгак те эзь неяво. Мезеяк а содавлинек, бути Пазось аволь ёвтне тенек теде Библиясо.

Кой-кона ломантне яволявтыть: бути, келя, минь араселинек мирэнтъ-масторонть теемстэ, сестэ а содатано, алкукс-аволь весе тень теизе Пазось. Сынъ а кемить Библиясо сёрмадозентень. Кода чарькодем-тема лия ломантнень, Библиясь корты видестэ?

Можна, примеркс, путомс истят фактт: ламо событиятнеде Библиясонть сермадозель пек седе икеле, кода сынъ теевсть. Библиясонть сёрмадови ламо сеть тевтне-деяк, конат эште арасельть. Эйсэнзэ сермадозь, келя, иудейской народось карми улема панезь Палестинасто ды Пазось велявтсы сонзэ мекев. Весемесь те топавтови минек шкасто. Эсенек сельмсэ тень нетяно ды истямо ладсо кемекстатано: Библиясонть сеетьстэ вастневить инязоронь лемть, конат а кемить Библиянтень, кортыть, истят инязорт арасельть, сынст арсизь. Но раскопкань ютавтниция учёнойтне невтизь: неть инязортнэ алкукс эрясть се шкас, кода сермадозь Библиясонть.

Ули эште вейке пример ды, паряк, сехте вадря, кона невти Библиянтъ видечинзэ. Сонзэ эйсэ сёрмадови седе, кода простневить минек пежетне ды полавтови эрямонок. Эрьва шкане, зярдэ кие-бути пшкади Пазонтень, сеске фатятано, кода бойкасто полавтови эрямозо. Те сехте парсте невти Библиянтъ видечинзэ.

Секс ней эряви, штобу Иисус ветяволь минек эрямонть, лиякс а кемевить минек ялгатне, што Библиясонть сёрмадозь весе видестэ.

Ловноманть туртов: Петоронь Омбоце Кучомась (1:16-21).

- Кевкстематне:*
1. Кие ульнесь мирэнтъ-масторонть теемстэ?
 2. Кие се Вейкинесь, Конанень ёвтневи, кода те весе теевсь?
 3. Косо Пазось ёвтни теде миненек?
 4. Ёвтак мезеяк, мезде сёрмадозь Библиядонть икеле?

Озксось: Менель Тетянок, минь ёвтатано сьукпря Тонеть весе шкатнестэ улемат кисэ. Сьукпря Теть сень кисэяк, мекс Библиясо весе сёрмадозесь виде. Лездак тенек парсте сонзэ чарькодемс ды топавтомс сень, мезде эйсэнзэ сёрмадозь. Аминь.

35. МЕЗЕ УЛИ, БУТИ А КАРМАТАНО БИБЛИЯНТЬ ЛОВНОМО?

Арази истя пек эряви ловномс Библиясь ды топавтомс сень, мезе эйсэнзэ сёрмадозь? Эряви! Но содат, улить ломанть, конат арсить: ловномс ды топавтомс сень, мезе сёрмадозь Библиясонть, а эряви. Арсить, весементь, мезесь тенст эряви, умок содасызь. Кодаяк а чарькодить, Пазонть содамс – аволь шожда тев. Кода чарькодеви тенст Библиявтомо, пежетне Пазонть туртов марявить нулгогьксэвекс? Кармить-арась содамо Библиявтомо, Иисус кулось пежетест кисэ?

Нама, минь кой-мезе уш содатано Паздонть, цецятнеде, чувтнэде, природадонть. Весе те корты седе, Пазось покштояк покш! Но кода Сон вечксамизь, теде ловносынек ансяк Библиясто.

Миненек эряви ловномс весе Библиянтъ ды топавтомс весе сень, мезе тосо сермадозь. Ловномсто несынек, кой-кона пелькстнэ ульнесь сермадозь сеть ломантненень, конат эрясть ламо пингеде теде икеле. Примеркс, израильтянтнень туртов сёрмадозь, кода сыненст эряви строямс жертвенник, штобу тозонь кантнемс жертвакс ракшат. Неть жертватнень вельде Пазось бажась кекшемс весе сынст пежетнень.

Течи миненек а эряви кантнемс жертват, эдь Иисус – Пазонь Ангелэсь – ульнесь весень кис жертвакс, зардо Сон кулось трокспалманенть лангсо. Но Библиясо

сеть таркатне, конат течи миненек топавтомс а эрявить, ловномсто ялатеке максыть лезэ ды путыть превс, эдь сынъ ёвтнить Пазонь арсевкстэ, Сонзэ вечкемадо ды Иисус Христосто. Истя, Библиянь весе таркатне пек эрявикст ды сынст ловнома ды тонавтнема.

Миненек чистэ эряви кевкстнемс эсь прянок: мезес тонадтано ловнозенть пельде течи? Лия ёндо, миненек апак капша, стамбарнэ эряви арсемс ловнозенть: „Ах, те монь а токши. Те, нать, ульнесь сермадозь киненьгак лиянень“. Но бути те сёрмадозь тонь туртов,сестэ кунсоллок: ули мелеть эли арась, тонеть эряви кунсолломс Пазонть ды топавтомс сень, мезе Сон теть корты Библиянтъ вельде. Иля арсе, Библиясонть сёрмадозь авидечи. Ды иляк стувтне сень, мезде сон корты! Миненек а эряви Библиянь валтнэнь путомс лия валт, сынст киртямскак а мезекс.

Ловноманть туртов: Псалмась (118:9-16).

- Кевкстематне:*
1. Мезе Библиявтомонтъкак содатано Паздонть?
 2. Кодат Пазонь явомань обуцят содатано ансяк Библиясто?
 3. Эрявить-арась топавтомс Библиясто сеть таркатне, косо сёрмадозь жертвань кандомадо. Мекс те а эряви?

Озксось: Вечкевикс Иисус, сюкпря Теть Святой Валот кисэ, Библиянтъ кисэ. Евтатано Теть сюкпря: Тон коргат эйсэнзэ мик пежетенек простя-

модо. Лездак тенок эрва чистэ Библиянтэ ловномо ды сонзэ вешеманзо топавтомо. Аминь.

36. МЕЗЕ УЧИ ПАЗОСЬ МОНЬ ПЕЛЬДЕ?

Сень, мезенть эйкакшонтень васняк теема – те улемс Пазонтэ кунсолщякс. Ансяк истя алкукс сон ули уцяскавокс.

Паряк, дивазеват: „Косто содави, мезе Пазось учи монь пельде?“ Штобу получамс ответ, тонеть эряви кевкстемс Инешкипазонть. Ансяк ёвты-арась Сон мезеяк? Ёвты. Отвечи кенярдозь. Паряк, васня теть стака кевкстнемс Верепазонтэ ды кунсолломс Сонзэ валтнэнь. Тетят-ават эйсэ марят-неят, сынст марто кортневаткак. Но Пазонтэ минь а нетяно ды Сонзэ вайгелентькак а марятано! Сестэ карматано содамо, мезе минек пельде Сон учи?

Те кевкстеманть лангс аволь стака отвечаемс, бути цютькес арсезевтяно. Кода, примеркс, можна марямс куля сеть ломантнень пельде, конат эрить пек васоло? Теде минь уш кортынек серма вельде. Сёрмань кантницясь кандсы сонзэ, тон ловносак ды кармат содамо, мезде арси эли мезе бажи ёвтамс теть ломанесь?

Пазось сёрмадызе тенок кувака сёрмадоманзо –

Библиянтэ. Бути ушодтано сонзэ ловномо, аволь стака ули фатямс: сон явови лия сёрматнеде. Пек кувака эрва чинь сёрматнень коряс ды пек седе мельстуиця. Эйсэнзэ ёвтневи седе, мезе учи пельденек Инешкипазось ды мезде Сон нулгоди. Секс миненек истя жо пек эряви ловномс Библиясь.

Но лия китнень вельдеяк Пазось лезды тенок чарькодемс, мезе Сон учи пельденек. Сонзэ мелезэ кармавтомс, штобу минь молевлинек видечинь киява ды аволинек тее берянь тевть. Минь содатано, мезесь берянь, мезесь паро.

Пазось путсь тенок истямо ойме, кона нусмалгавты эйсэнек, велявты пайстомокс. Истя, нама, лисни сестэ, зярдо минь прянок ветятано амазийстэ. Бути ули мелеть мезеяк теемс ды оймесэть кавтолдат, содак: те Пазось мартот корты ды бажи ванстомот пежетнеде. Те потмоёжось аволь мезеяк лия, кода Пазонтэ вайгелезэ эли виськсчиэ.

Лия тувталонь коряскак содави, мезе Пазось учи пельденек. Сон бажи, штобу минь молевлинек виде кива ды аволинек явше кежть. Вана мекс тенок ловнома Библиясь.

Тон педе-пев кемть сеньс: бути тон алкукс бажат улеме христианокас ды вечксак Иисус Христосонь, бути тонь ули мелеть теевемс Пазонь кунсолщякс ды теемс сень, мезе Сон учи пельдеть, сестэ, апак кавтолдо, Пазось теть лезды содамс Сонзэ бажамонтень.

Ловноманть туртов: Бытиясь (24:34-48).

- Кевкстематне:* 1. Кодамо кевкстема лангс тонь уле-
вель мелеть получамс Пазонтъ пельде
ответ?
2. Эряви-арась Пазонтень ангелтнэнь
лесксэст тонеть ответэнь максомсто?
3. Ёвтак Пазонтъ зярояк уликс виензэ,
конатнень Сон нолтни, штобу пан-
жомс тетъ Эсензэ бажамотнень?
4. Свал-аволь марясамизь Инешкипа-
зось, зярдо ознотано?

Озксось: Весемеде виев Паз, сетнень Тетя, Кие весе
Эсензэ кемеманзо путы Эсь Церанть Иисус
Христос лангс. Сюкпря Теть сень кисэ, мекс
Тон отвечат минек кевкстематнень лангс.
Минь ёвтатано Теть пасиба, мекс Тон ёвтият
тенек, Эсь эйкакштненень, Эсь бажамотнеде.
Лездак тенек совавтомс Эсь бажамотнень
минек эрямос. Аминь.

37. МЕКС ХРИСТИАНТНЭ АВОЛЬ СВАЛ ВЕЙКЕТЬ?

Вестъ авась энялдсь эсензэ кавто церыненстэнь:
„Рамадо, инескетъ, кши, мон семс молян пирев“.
Цёрынетне чатьмонезь озасть велосипедэст лангс ды
ардозь сыргастъ лавкав. Но зярдо сынь пурнасть
кшинь рамамо, кодак эзь саво вемельс, кодамо кши
рамамс. Вейкесь мерсь, аваст вечки ашо кши, омбо-
цесь – раужо. Истя пелькстазевсть, лавкасо ломантне
ансяк прясот чаравтнестъ.

Истя эрси Библиянь кой-кона ёвтамотнень мар-
тояк. Тосто минь ловнотано, примеркс: Пазонтень
кемезевезтненень эряви крестявтомс прясот. Но мезе
истямось – улемс крестязекс? Тень коряс христиант-
нэнь эрва кодат мелест-арсемаст. Конатне чарькодить
истя: крестямат ансяк вишка эйкакштне; лиятне –
ансяк покштне, конатненень топодсть эрявикс иеть
ды конатне примизь Иисус Христосонь кода эсест
Идицянтъ. Веенстнэ ловить, крестямсто ведеть эряви
валомс крестязентъ пря лангс, омбонстнэ – крестямс
эряви ведьс совамосо.

Пазонь промкстнэдеяк мельтне а вейкетъ.

Секс ломантне, конатнень мелест явовить, якить
эрва кодамо церьковава. Веенстнэ эсь прясот ловить
баптистэкс, омбонстнэ – лютеранокс эли католикекс,
улить пазнэнь лия кемематкак.

Но весе неть церьковатнень ули вейсэнь сюлмост: весе минь, кить эсь прянок ловтано христианкс, кем-тяно, Иисус Христос ашти Васенцекс, Кие простни пежетенек ды иди эйсэнек. Те сех эрявиксэсь.

Истямо ладсо, весе церьковатнесэ улить ломанть, конатне вечксызь Инешкипазонть ды аштить Сонзэ кис, сень лангс апак вано, сынст ознома лувост явно-вить вейкест-вейкест эйтэ.

Но улить истят церьковаткак, конат а кемить Библиянтень ды а тонавнтить ансяк лецтязь Сонзэ вешеманть, лия христиантнэнь марто ве мельс а пракшныть. Нама, те аволь алкуксонь церькова, ды ломантнень эйтэ ламотне истямо церьковасо а улить христианинэкс. Сынъ натой а содыть седе: Иисус кулось сынст кисэ.

Эрсить истят тамашаткак. Сеть ломантне, конат яксить алкуксонь церьковав, лемдить эсь пряст эйсэ христианокс, алкукс жо истямокс зярдо як арасельть. Сынъ а чарькодить, мезе сыненст корты Иисус Христосонь куломась. Сынъ якить церьковав ансяк секс, мекс тов яксесь тетяст-аваст, ды сынъ кемить, те саты, штобу понгомс менель лангов. Миненек эряви озномс истят ломантнень кис ды лездамс тенст чарькодемс Пазонть идема планонзо.

Ловноманть туртов: Римлянтнэненъ Кучомась
(14:1-13).

Кевкстематне: 1. Мезде пелькстась эсь ютковаст минек ёвтнемасонть церынетне?

2. Ёвтак зяро як примерт, зярдо христиантнэ явно-вить эсь мелест-ванов-тост коряс?

3. Кодамо кемеманть коряс христиантнэ сакшныть ве мельс?

4. Кинь ловома алкуксонь христианинэкс?

Озксось: Весемень теeme маштыця Менель Тетя, минь ёвтатано Теть пасиба сень кисэ, мекс Тон пештязят ламо милостьсэ Эсь кунсолыцят туртов. Лездак тенек чарькодемс Тонь Валонть ды седеень кирдезь савтыть христиантнэнь, конатне пракшныть лия кемемас.

38. МЕЗЕ ТЕ ПРОСТЯМОСЬ?

Иисус тонавты, штобу минь простневлинек сет-нень, кить покордакшныть эйсэнек эли тунь а веч-кить. Простямс – лисни, а кирдемс кеж сень лангс, кие покордынзить.

Мезе теят, зярдо кияк вачкодтянзат? Сонензэяк каят? Бути сонзэ простясак – а каят. Библиясонть аволь весть ёвтневи седе, штобу минь простявлинек ломантнень, конат теисть тенек берянь.

Иисус эсензэ примерсэ невтизе, кодамокс миненек эряви улемс эсь ялганок коряс.

Весть ульцясо вейке миссионерэсь ловнось проповедь Иисусто. Друк вейке ломанесь састынька мольсь ды удалдо вачкодизе сонзэ. Кунсолыцятне ацирьгадозь цопадизь те ломаненть ды тердсть полиция, конань ульнесь мелезэ саемс сонзэ, но миссионерэсь серьгедь:

– А эряви!

Перть пельга аштиця ломантне дивазевсть:

– Тынк лангс каявкшнось, тень кис сон эряви наказамс.

– Арась, – таго эзь кирдеве миссионерэсь, Иисус, Конадонть ёвтнинь тенк, мерсь монень простнемс ды улемс парокс обидицятнень коряс.

Мейле сон велявтсь покордыцянзо ёнов ды мерсь:

– Мон простятан тонь, ансяк иля стувто, теньсэ тон максат вал аволь монень – Христоснэнь.

Перькаст пуромозтне мельде-валдо кемезевсть лисезентень. Сынъ арсесть: паряк, Иисус дивань Ломань, ды сыненст сась мель эште седеяк ламо содамс Сондензэ.

А мезе бу, примеркс, улевель, бути миссионерэсь кеждяволь те цёранть лангс? Ломантне, паряк, аволь истямо покш мельсэ кунсоловольть эйсэнзэ седе тов. Арсезевельть, христиантнэ вейкест-вейкест эйстэ а явовить, бути те миссионерэсь истя жо кеждяволь, кода эрвась сонзэ таркасо.

Бути эйсэть кияк обиди, содат-арась, кода ветямс эсь прянтъ? Обидявомс-кеждямс – шожда тев, но

Иисус тетъ лездаволь кеженть потавтомсто. Христосонь пельде тень лангс виень получазь, минь кармата-но кенярдомо се арсемадонть, Сон свал мартонок. Сон теи эйсэнек коронь кирдицякс ды, тень лангс ванозь, простявить тенек ломантне, конатне миненек арсить ды теить берянь, но конатнень Христос вечки истя жо, кода минекак.

Ловноманть туртов: Матфеень пельде Евангелиясь (18:21-35).

- Кевкстематне:*
1. Мезе теят сень марто, конась покордынзить?
 2. Бути минь простятано, сы-арась мель пандомс кеж обидицятнень?
 3. Зяроксть можна простямс обидицясь?

Озксось: Менель Тетянок, пасиба ёвтатано Теть пеже-тенек простямоств кисэ. Тон миненек истя ламо простить! Тонавтомизь сетнень простямо, конат эйсэнек обидить! Лездак тенек вечкемс сынст ды кортамс тенст Тондеть. Аминь.

39. ТОНЬ КАЗНЕСЬ

Марить уш, Иисус анокстась тетъ казне? Мень казне те? Теде эйсэнь иля кевкстне, сондензэ а содан. Кадык те теэви тетъ дивамокс.

Минек арасть праванок получамс те казнить, эдь свал пежетъс советяно, тейтяно амазый тевть. Но Иисус Христоснэнь сон максозель вадря теვენзэ кис ды ней сась Тензэ мель явомс те казнить минек марто. Сон ансяк вейке учи пельденек: штобу минь эсь эрямосонок невтевлинек, кодат минь паронь кандыцят Тензэ. Те чанстесь тенек сехте парсте ёвтави лезэв тевтнесэ, конатнень карматано топавтнеме моданть-масторонть лангсо эрямсто.

Секскак лецтяма седе, кода печтянано эсь пингтнень. Те масторонть лангсо минь эрятано овсе а кувать. Паряк, пингенек маряви кувакакс – арсекая, ютыть мик 60 эли 70 иеть! Но те шкась эдь нурькадо нурькине вечной пингентъ коряс, минь содатано: Пазонь эйкакштне кармить эрямо свалшкань уцяскасо. Сехте покш казнесь, кона учи минек эйсэ, – те Христос марто пингедепингес васодемась. Кода мелявтан сень кисэ: друк певтеме эрямосо те казнить а несак! Ансяк сестэ позда карми улеме. Ней эште ули шканок. Весе тонь эрямось сельме икелеть, ды сон целанек алтави Христоснэнь. Кодамо уцяскавкс вестъ тееват, мекс эште эйкакшокс улемстэ арсить эрямс Инешкипазонть туртов.

Зярдэ понгтано менель лангс, Христос панжсынзе книганзо, конатнесэ сёрмадозь весе минек тевтне, ды Сон карми арсеме, мезень кисэ ды кода минек каземс. Кемть, тосо кармить улеме ламо дивсемат. Кой-кона ломантне, конат арсестъ, буто ламо тейсть Пазонть туртов, несызь: сынненст мезеяк а максови, эдь сыннэ эзизь вечке Сонзэ. Лиятне жо, конат мезеяк эзть учи, – получить казне. Минь а содасынек, мезе учи эйсэнек, но минь содатано: эрямонь венецесь максови сетненень, кить паро тевсэ пандсть Иисуснэнь Идеманы казнить кисэ. Аминь.

Ловноманть туртов: Коринфянтнэненень Васенце Кучомась (3:11-17).

Кевкстематне: 1. Кодамо сехте покш казне учи эйсэнек менельсэ?
2. Кие максы тенек те казнить?
3. Кие казевы те казнесэнтъ?
4. Кода ёвтави тетъ сюкпрясь Христоснэнь Идеманы казнить кисэ?

Озксось: Вечкевикс Иисус, пасиба Тетъ казнить кисэ, конань Тон анокстык миненек менельсэ. Лездак тенек Тонь вечкемасо ды шнамосо. Макст, штобу минь свал кенярдовтневлинек ломантнень эсенек тевсэ ды истямо ладсо слававлинек Тонь лементъ. Аминь.

40. ИНЕШКИПАЗОНТЬ ЧИЗЭ

НедлЯчИсь – кенЯрксов чИ. Пазось нолдызе сонзэ светэнтъ лангс сень кИсэ, штобу минь оймсевлинек недлЯютконъ весе мелявкстнэде. НедлЯчИстэ минь школав а яксетяно, тетЯнок-аванок роботаВ а капшИть. Тень таркас якатано церьковаВ эсь ялгатнень марто Тензэ чанстень ёвтамо Сонзэ валдо ойментъ кИсэ. Весе седейстэ стака улевель ёвтамс паро валт Сонзэ шнамга, бути а улевельть служамот. Пазось бажи, штобу вастневлинек лИЯ хрИстИантнэнь марто ды вейсэ, велувсо шнавлинек Сонзэ. Те – недлЯчИнь сехте паро тев. Теде башка, недлЯчИстэ тетЯнок-аванок туртов пракшны шка минек марто налксемантень.

Те чИстэнтъ лИятнень коряс тenek эрЯви седе ламо мель явомс Пазонтень ды ёвтнемс Тензэ пасИбат. Нама, тень теемс а шожда, эдь недлЯчИстэ савкшны футболсоЯк налксемс. БИблиЯсонть сёрмадозь: седе мейле, зярдО Пазось нолдынзе мастор лангс лИЯ паро тевтнень, Сон оймсесь сисемеце чИстэнтъ ды святойгавтызе сонзэ. Секскак евреень народось субутанть праздновась храмсо. Пазось кармавтсь ИзраИленть: „Ваннок субута чИнтъ мельга, штобу ванстомс сонзэ“. ХрИстИантнэ праздновИть недлЯчИнтъ субутанть таркас, чИнтъ, зярдО ИИсус ХрИстос вельмесь кулозьстэ. Те чИстэнтъ минь пурнавкшнотано Инепазонтъ слава-

мо, ХрИстосонь вельмемадо кулЯнтъ пачтнеме, эдь ХрИстос те чИстэнтъ макссь тenek од эрЯмо.

Ловноманть туртов: ИсаИЯ (58:13-14).

- Кевкстематне:*
1. Кодамо сех паро тевесь недлЯчИстэнтъ?
 2. НедлЯчИсь ськамонзо-аволь ИстЯмо чИ, зярдО тenek арсема Паздонтъ ды ансяк ознома Тензэ?
 3. Содат-арась, мекс Пазось бажи, штобу минь недлЯчИстэ оймсевлинек?

Озкось: Минь сьуконятано, Менель ТетЯ, Тонь Икеле недлЯчИнтъ каземаanzo кИсэ. Лездак тenek сонзэ валдомтомо. АмИнь.

41. ЛАДИТЬ-АРАСЬ ТОН ПАЗОНТЬ МАРТО?

БИблиЯсонть ули вейке пек эрЯвИкс вал: ладЯмо. Арсян тетъ толковамс, мезе сон чарькодеВти. Бути, примеркс, кИЯк яжасы тонь налкшкентъ, тон, нама, кежИЯвтат эли нусмакадат. Веши пельдетъ простЯмо ды мери, тень тееме эзь бажа, простЯсак оЯнтъ ды кармаВт мартонзо налксеме седе тов. ЗярдО те лИси, кор-

тыть истя: „Тон ладить сень марто, кие мерькизе налкшкенть“:

А кемевикс тамаша лисевель, зярдю тон сонзэ простясак ды оянтъ кежензэ а ютавольть. Эдь сонензэ улема кенярдыцяк! Лиясто истяк эрси: ломанентъ простясак, сон ялатеке лангозот кеж кирди.

Истя эрси Пазонтъ ды Тензэ а кемицянтъ ютк-соак. Нишкесь апаргалесь истямо ломанентъ лангс апаро тевензэ кувалма. Но мейле сась Иисус Христос ды кулось сонзэ пежетнень кисэ, ды тень вельде Пазось ладясь ломанентъ марто ды простинзе гре-хензэ.

Но пек берянь, зярдю ломанесь а лади Нишкентъ марто. Сон каднови Вере Пазонтъ а кунсолыцяк ды тейни мезе мелезэ.

Мезе Пазось учи истямонть пельде?

Ломанентень вешема Сонзэ кедьстэ простямот. Теи истя – сеске фати: Нишкентъ марто ладясь. Нишкесь умок вечки сонзэ эйсэ, ней ломанесь вечки Пазонтъ.

Ловноманть туртов: Коринфянтнэненъ Омбоце Кучо-чомась (5:17-21).

Кевкстематне: 1. Мезе те „ладямо“ валось?

2. Зярдю Пазось бажи простямс тонъ пежетнень?

3. Мезе эряви, штобу Пазось простяв-лимизь?

4. Ладить-арась тон Нишкентъ марто?

Озксось: Вечкевикс Менель Тетянок! Кода берянь эрямс Тонъ марто аладямо шкасто. Тон свал тенек вадрят. Лездак тенек Тонъ вечкеме, эдь Тон пек вечксамизь. Тень вештяно Иисус Христосонь лементъ лецтнезь. Аминь.

42. ПАЗНЭНЬ СЛУЖАМОДОНТЬ

Мекс истя сеетьстэ эряви яксемс церьковав? Пазось бажи, штобу минь сеетьстэ вастневлинек лия христиантнэнь марто ды свал ёвтневлинек вейкенек-вейкенек туртов седе, мезе тейсь Нишкесь, истя жо вейсэ озновлинек Тензэ. Бути озномо а якстетяно, сестэ стака вечкемс Сонзэ. Пазось светэнтъ лангс нолдымизь истямокс, штобу вейке-вейке марто вастневлинек.

Иля стувтне, зярдю сыргат церьковав, тов Пазось эйсэть кучи сень кисэ, штобу марявлишь Сонзэ вечкемадо ды теде ёвтневлить лиятненень. Вана мекс тон пштистэ тосо кунсолок, мезде кортыть-ёвтнишь ды тень пингстэ киненьгак иля меша.

Иля стувтне марто саемс сеть пакшатнень ды тейтерькатнень, конат икеле Христосто эзь марсе. Улить-арась оят, конат аламо содыть Христосто? Паряк, сынсткак тердьсыть озномо. Тосо сынъ марясызь, кода Пазось сынст вечксынзе.

Сеетьстэ эйкакштнень туртов стака кувать кунсолос службань ветицятнень ды сехте пек сестэ, зярдо сын ёвтнить а пек чарькодевикс валсо. Ялатеке эйкст кунсолодо. Чатьмонезь аштеде ды кунсолодо. Лиясто озксонт понгонить теть а чарькодевикс валт, сестэ тон кунсолок ды весе марязень цётак прызот.

Бути субутасто лецтяви теть – ванды недлячи ды тон молят церковав, ознок седе, штобу Инешкипазось лездаволь теть чарькодеме. Истя седе парсте прят анокстасак, ды службань ютавтомась стакакс теть а ули.

Ловноманть туртов: Еврейтненень Кучомась
(10:24-25).

Кевкстематне: 1. Мейсэ лездат лия эйкакштненень, зярдо яксят службав?
2. Мейс эряви яксемс церковав?
3. Мекс эряви субутасто арсемс недлячиденть?
4. Эряви-арась модемс церковав, зярдо а маштано сътместэ кунсолоמו?

Озксось: Менель Тетянок, минь ёвтатано пасиба сень кисэ, мекс улить ламо христиант, конатнень марто можна Тондеть кортамс. Пасиба Теть озксонь весе ютавтыцятнень кисэ. Ёвтак тенст чансть ды мерть тенст анокстамс сы недлячинтень. Лездак тенок чарькодемс весементь, мезень марясынек озномсто. Аминь.

43. КИКС БАЖАТ УЛЕМС ПОКШСТО?

Арсить-арась теде? Моданть лангсо зняро профессиятнеде, натой, улема, тонсыкак аздат, конань кочкамс эстеть. Тонь эйстэ лиси врач, инженер, механик эли оршамопелень стыця. Но Сон ансяк ськамонзо соды, кикс лисят. Те Вере Пазось, ды Сон покш мельспаросо ёвты теть, кона профессиясь седе вадря. Те шканть учок, сон сы, секс теде иля мелявто!

Кода Пазось теде пачти теть? Сонзэ ламо виензэ, штобу кортнемс марто. Примеркс, сеть талантнень вельде, конатнень Сон теть казинзе. Цёрынтенень ютксо улить алкуксонь мастерт, улить истяткак, конат эскень чавомояк а маштыть, тень таркас парсте морыть, кой-кинь вайгелест тунь арась. Бути Пазось светэнт лангс нолдынзить истямокс, зярдо мезеньгак тееме эзить тонадо, сестэ тонеть а кочки, примеркс, конструкторонь профессия. Но, паряк, Сон максь теть истямо талант, конань вельде маштат седямо скрипкасо эли пианинасо ды зярдо касат – кармат улеме музыкантокс. Эли, паряк, Сон максь теть истят ёрокчить – тееват врачокс эли писателекс? Эли, зярдо бажат улеме электрикекс, врачонь профессиянтень жо арась бажамот, сестэ Пазось теньсэ бажи теть евтомо: врач эйстэть а сартняик ливтеме.

Паро уш икелепелев арсемс сы шкань профессиятнеде ды седе, конатне сехте пек тукшныть тонь мельс.

Зярдэ касат покшокс, мелезэть леди вейке проффессия. Пазось невти тетъ, эрявиксэнтъ-арась кочкик тон, бути, нама, теде кевкстьсак Сонзэ.

Кой-кона пакшатне ды тейтернетне уш нейке содыть, кикс касыть, лиятне те мелентень сыть тонав-тнеманть прядомадо цють седе икеле. Лиясто Пазось эрямонь кинть лангс невтемстэ кармавты учомо, зярдэ минь кастанэ. Зярдэ сы шкась, Сон невтьсы тenek эрявикс проффессиянтъ!

Ловноманть туртов: Коринфянтнэнень Васенце Кучомась (12:12-31).

Кевкстематне: 1. Кода Пазось лезды тenek сы шкань проффессиятнень кочкамсто?
2. Нолдасамизь-арась Пазось сеньс, штобу теевлинек апаро тев, бути вештяно Сонзэ пельде лескск?
3. Свал-аволь Пазось отведи тenek те кевкстеманть лангс?

Озксось: Вечкевикс Иисус, мон содан, Тон анокстыть тень паро тев ды мон сонзэ анокан топавтомс Тонь славанть кисэ. Инескетъ, невтик монень, зярдэ касан покшсто, эрямо таркам. Кеман, Тон невтьсак тень эрявикс ким Эсь шкастот. Аминь.

44. КИНЬ УЛИТЬ ПРАВАНЗО КОРТНЕМС ПАЗОНТЬ МАРТО?

Бути тон эрят столицасо, паряк, сы тетъ мель кортнемс масторонь прывтонть марто. Кода арсят, кармат мартонзо кортнеме? Нама, а кармат. Тень туртов эряви башка конёв, эдь Сонзэ ютко шказо тунь арась, штобу кортнемс весень марто, конат бажить неемензэ. Масторонь прывтонть кедьсэ улемась – пек почетной тев; аволь весе ломантне эрсить кедьсэнзэ.

Вере Пазось масторонь прывтояк покш ды натой истя ёвтатано: киньгак праванзо арась кортнемс Сонзэ марто. Дивань тев! Сон тердтни эйсэнек эрва шкасто. Пазось кеняркшны, зярдэ сакшнотано Сонензэ, Сон тердтни эйсэнек куш кодамо шкане.

А виде каня, мельспаро бу модемс Сенень, Кие светэнтъ лангс нолдынзить? Арази берянь улевель, зярдэ кортневлитъ Сень марто, Кие весемедентъ соды? Нама, талакадовлитъ, савольгак истямо тердема тетъ. Самай истя тейни Инешкипазоськак. Се, Конась весе живоентъ нолдызе, арси тонь эрямонтькак саемс Эсь кедьс ды ветямо Сонзэ икелев. Сонзэ свал эрси шказо, штобу примамс ды кунсолемс тонь.

Истямо вастовома, окояники, Сон максы тетъ!

Ули истямо мелеть, пекстыть сельметь, нолдык прят да арсек седе, кода пек вечки эйсэть Пазось! Ды кортнек Сонзэ марто весемедентъ. Мейле ёвтак Тензэ

пасиба Иисус Христосонь кисэ, Коная кулось тонь пежетнень нолдамга. Пасиба ёвтак Тензэ лембе оршамкатнень, тетят-ават ды оятнень кисэяк. Сюконяк Сонзэ икеле сень кисэ, мекс тон яксят школав, эдь кой-кона мастортнэсэ эйкакштнень истят условияст арасть.

Бути ули Сонензэ энялдомат, ёвтык апак тално. Сон ансяк кенярды, зярдо Тензэ улить энялдомат.

Марятанзат-арась Пазось? Сон ашти тонь вакссо ды соды седе, мезде кортат ды арсят. Тонеть а эрявияк марямга лецтнемс эсь потмо валтнэнь: Инешкипазось соды, мезе кирдят эсь седейсэнтъ.

Пазось вечки, зярдо тон сакшнат Сонензэ ды кортат Сонзэ марто. Эдь тон эйкакшозат. Сон Оят ды Тетят! Кортат Мартонзо эсь мелякштнэде ды ёвтак Тензэ покш пасибат тетя явозь вечкеманзо кисэ!

Ловноманть туртов: Еврейтненень Кучомась (4:16).

- Кевкстематне:*
1. Хоть кодамо шкане масторонь прявтось карми марто кортамо?
 2. Ёвтнека, мекс Пазось весе министр-ратнеде покш?
 3. Сеетьстэ-аволь сакшноват Нишкентень ды кортневат Сонзэ марто? Мекс?
 4. Ёвтак зярыя тувталт, конатнеде тонеть эряви кортнемс Вере Пазонтъ марто?

Озксось: Менель Тетянок! Пасиба Теть сень кисэ, мекс хоть кодамо шкане минь Тонеть сакшновтано ды кортнетяно Тонь марто. Тонавтымизь озномо ды лездак тенек зярдояк а стувтнемс седе, кодамат Тон покшат ды чевте седеят. Пасиба Теть весементъ кисэ. Аминь.

45. МАНЧЕМА

Дивазеват-арась, Пазось а вечкемеяк машты? Минь свал арсетяно: Пазось – те вечкемань Нишке. Те истя. Ансяк кой-мезентъ Сон а вечкияк. Примеркс, манчеманть! Вана мекс паро явовомс манчемадонть.

Пазось бажи, штобу эйкакшонзо улелельть паронь кандыцякс ды мезе алтасть – сень тейсызь. Сон бажи неемс истят эйкакшт, конат топавтневельть весе кармавтоманзо. Бути сынъ, примеркс, алтасть а ёвтнемс эсь тайнадонть, кадык чатьмонить, кирдить эйсэнзэ эсь меште потсост.

Понгтано-арась стакачис, зярдо карматано кортамо ансяк видестэ? А понгтано, нама! Зярдо теят мезеяк апаро, тень кисэ чумондтадызь. Кадык чумонть тынк лангс сявордсызь ды наказатадызь, ансяк илядо манче. Бути витькстамонь таркас манчат, Пазось тень кисэ а кардатанзат. Седе паро улелель, зярдо наказамонть тейсызь тетянок-аванок.

Цёрынькатне ды тейтернетне, конат а манчек-шныть, касыть ванькс ойме ломанекс. Сыненст кармить макснеме покш тевть, эдь лангозост кармить весе кемеме.

Лиясто тенек маряви: манчезь седе бойкасто пачкодтяно эсь бажамонтень. Истя тевесь а лисни. Миненек кемема Пазонтень. Ультяно честноекс, сестэ Сон лезды тенек.

Ловноманть туртов: Ефесянтнэнень Кучомась (4:25);
Колосянтнэнень Кучомась (3:9);
Иоаннонь пельде Евангелиясь (8:44)

Кевкстематне: 1. Кие кеняркшны, зярдо манчить эйкакштне?
2. Лиясто манчема вельде ломантне ламонтъ добовакшныть ды лисни истяк: теде кияк а карми содамо, сестэ-як манчемс эряви? А эряви? Мекс?
3. Простясамизь-арась Нишкесь, зярдо манчетяно? Мезе теема тенек, зярдо фатить: манчинек?

Озксось: Вечкевикс Инешкипаз, пасиба Теть, мекс Тон свал невтнят ильветьксэнек лангс. Простямизь ды лездак тенек свал кортамс ансяк видестэ, куш лиясто седейсэнек апарот. Сюконятано Икелеть Тонь ойме лембенть кис. Аминь.

46. КИЕ ВЕСЕ ЖИВОЕНТЬ НОЛДЫЦЯЗО?

Тон вачкить зярдожк мезеяк севоньстэ эли песоксонь? Мельспаро тейневи, зярдо лиснить алкуксонь кудот ды ракшат, видестэ ёвтазь? А тонсь вестьяк варчнить сёвоньстэ кискань ичеме? Улема, мезеяк тонь эзь лисе. Ансяк Вере Пазонтъ туртов ськамонзо теevi весе мастор лангонь живоесь. Ломанентень живоесь светэнтъ лангс а нолдави.

Кода чачсь эрямось? Косто появась васенце кискась? Кода теевсь-панжовсь модась? Библиясь пек чарькодевиксстэ корты теде: тень тейсы-нолдасы ансяк Пазось.

Улить истят ломантькак, конат кортыть, келя, аволь Нишке Пазось те мирэнтъ теизе, ды моданть лангсо кодамояк Паз арась. Арсить: миллион иеде теде икеле севонень вишка покольнесь сонсь кармась касомо ды эрямо. Эдь те аволь превей мель! Нетъ ломантне а содыть, кода чачсь эрямось, ды кемевтить: те ульнесь аволь Пазонь тев.

Библиясь корты тенек: седе мейле, зярдо Вере Пазось панжизе мода лангонть, Сон теизе ломаненть-как, лектясь потмозонзо эрямо. Ансяк ве Пазось максни истямо уцяса.

Кавто оятне, Андрей ды Петра, якасть моря чирева.
– Монень маряви, минь зярдожк а карматано сода-

мо, Пазось эли кияк лия теизе мода лангонтъ, – мерсь Андрей.

Апак учо песок лангсто сынъ несть ломанень пильге чалгавкст.

– Тия кие-бути валске марто уш ютась, – мерсь Андрей.

– Алкукс? Теньс кемат? – кевкстсь Петра.

– Арази а неят? Тезэнь кадовсть кинь-бути пильге чалгавксонзо. Лисни, кие-бути уш ютась.

– Вантакая! – серьгедевсь Петра. – Истямо жо ладсо минъ ёвтатано седе: модась теезь Пазонтъ вийсэ, эдь чувтнэ ды цецятне, чись ды пиземесь – Сонзэ пильге чалгавксонзо, сынъ невтить тенек: Сон весементъ Теицязо.

Ловноманть туртов: Бытиясь (1:1-23).

Кевкстематне: 1. Куш вейкеяк ломань мезеяк тейсь живой?
2. Кода чачсть менельс тештне?
3. Мекс кой-кона ломантне а кемить: мода лангс сынст нолдынзе Пазось?

Озксось: Менель Тетянок, минъ ёвтатано Теть пасиба сень кисэ, мекс Тон теик весе живоентъ ды максыть тенек эрямо. Икелеть суюконятано сень кисэ, мекс Тон вестъ сайсамизь Эстетъ, косо свал карматано эрямо Тонь марто. Пасиба Теть Иисус Христосонь кисэ, конась тень совавтызе эрямозонк.

ЛЕМТНЕ

Икельце валось	5
1. Пазось ансяк вейке	7
2. Кие истямо Пазось?	9
3. Косто саевсь Пазось?	11
4. Кода карматано содамо Паздонть, бути Сонзэ а нетяно?	13
5. Теть Пазось, Цёра Пазось ды Святой Дух Пазось	16
6. Мейс Пазось нолдызе Ломанентъ?	18
7. Эште зярыя мельть Инепаздонть	20
8. Ангелтнэ	22
9. Кие истямо идемевсесь?	25
10. Адамонь ды Евань нолдамось	27
11. Кода пежетесь совась те эрямонтень	29
12. Пазонтъ бажамозо – кучомс Идиця	31
13. Минек паро Пастыресь	33
14. Мезе лиси, бути Иисуснэнь эняддтано улемс минек Идицякс эсь идицякс теевемадо	34
15. Мекс Иисус идимим?	36
16. Идесамам-арась Иисус, бути карман улеме вадрякс?	38
17. Инязоронь эйкакшт	40
18. Косо ульнесь Иисус чачомадо икеле?	42
19. Мейсэ явовсь Иисус – эйдесь лия эйдетнеде ...	44

20. Чудатне, конатнень теинзе Иисус	46	41. Ладить-арась тон Пазонть марто?	93
21. Иисус Христосонь куломась	49	42. Пазнэнь служамодонтъ	95
22. Иисусонь вельмемазо	51	43. Кикс бажат улемс покшто?	97
23. Иисус мекев туи Эсензэ Тетянстэнь	54	44. Кинь улить праванзо кортнемс Пазонть марто?	99
24. Иисус сы эште вестъ	56	45. Манчема	101
25. Святой Духось	58	46. Кие весе живоентъ нолдыцязо?	103
26. Мереви-арась христиантнэненъ теемс а видестэ?	60		
27. Кие ашти озадо тонъ седеентъ тронсо?	62		
28. Инязоронтень свал кадовама тонъ трононтъ лангс	64		
29. Кантнемс умартъ	67		
30. Кода содамс, вечксы-арась ломанесь Пазонть?	69		
31. Мезе эрси, зярдэ Пазонь эйкакшось сови пежетсь?	71		
32. Мекс минь лиясто эрявтано наказамс?	73		
33. Пазонть пельде сёрма	75		
34. Косто содат, Библиясь видестэ ёвтни?	78		
35. Мезе ули, бути а карматано Библиянтъ ловномо?	80		
36. Мезе учи Пазось монь пельде?	82		
37. Мекс христиантнэ аволь свал вейкетъ?	85		
38. Мезе те простямось?	87		
39. Тонь казнесъ	90		
40. Инешкипазонть чизэ	92		

ВЕЧКЕВИКС ЭЙКАКШТ!

Минек покш меленек содамс,
мезе арсетядо те книгадонть.
Сёрмадодо тенек те адресэнтъ коряс:

430023, Россия,
Мордовия, Саранск-23, а/я 36
Христианская миссия „Благовестие“

Рузонь кельстэ эрзянь кельс ютавтыве
Н. РОДИОНОВА.